

Unsay Nakapadani Didto Sa Ibabaw sa Bungtod?

Jeffersonville, Indiana USA

July 25, 1965

1 Atong iduko ang atong mga ulo karon. Dios nga Amahan, mao kanay matinud-anong pangamuyo niining gabhiona, tungod kay among nakita ang tanan Mong gibuhat alang sa mga katawhan niining adlaw. Ug nangamuyo kamim Kanimo, Ginoo, nga unta motoo kami, motoo nga Kini mao ang Kamatuoran, ang Pulong nga sinulat nahimong dayag kanamo. Itugot kining mga butanga. Amahan.

Niining gabhiona buot kaming magpasalamat Kanimo tungod sa - sa Kahayag nga Imong gisabwag diha sa mga Kasulatan alang kanamo kaganihang buntag. Ug nangamuyo kami niining gabhiona, Ginoo sa kutay nga alampoonan, nga unta limong paluyohan ang Imong Pulong nga mao ang Kamatuoran.

Nagaampo kami alang sa tanang mga kasimbahanan ug sa mga congregasyon nga anaa karon sa - sa mga magagmayng micropono didto sa gawas, sugod dinhi sa nasud, hangtud sa tanan pang anaa sa Kasadpang Kabaybayonan, ngadto sa mga kabukiran sa Arizona, ngadto sa mga kapatagan sa Texas, sa tibuok nasud, Ginoo, diin adunay ilang panagkatigum. Daghay mga takna nga labot pa, ania na kami sa tukmang panahon, apan, Ginoo, nagkahiusa kami niining gabhiona ingon nga usa ka pundok, mga magtotoo nga nagpaabot sa pagbalik sa Mesiyas. Nagaampo kami, Langitnong Amahan, nga ipadala Mo Siya sa labing madali alang sa Imong iglesia. Tungod kay kini among gipangayo sa Iyang Ngalan. Amen.

2 Makapanglingkud na kamo.

Cristohanong mga pangumosta sa tanan nga ania dinhi niining gabhiona. Gikasubo ko nga nagpunsisok ta sa gihapon ug nagdasok hangtud gani nga maglisod ta sa pagginhawa. Bisan gani ang mga tigpabugnawg hangin, sama niining may igpapabugnawg hangin, wala kayo magamit, tungod sa kadaghang mga tawo. Ug kon kasagaran ra nga simbahan nga mapuno sa mga tawo, motikig ka sa kabugnaw sa hangin. Apan karon ang matag usa anaay ilang mga paypay, namaypay, ug ang igpapabugnawg hangin mihuyop nga nagkalisud kutob sa ilang mahimo.

Among gipadangat ang among mga pangumosta ngadto sa Silangang Kabaybayonan paingon ngadto sa Kasadpan, ngadto sa tanan namong mga higala diha kang Cristo nga nagapinaw. Anong gipabati ang among mga pangumosta ngadto sa San Jose, kang Igsoong Borders, ang pundok niya diha. Among gipadangat ang mga pangumosta ngadto sa mga kabukiran sa Prescott, Arizona, ngadto kang Igsoong Leo Mercier ug sa iyang pundok nga anaa diha nagpaabot sa Pagbalik sa Ginoo. Among gipadangat ang mga pangumosta kaninyo nga anaa sa Tucson nga nagkatigum niining gabhiona, nga nagpaabot sa Pagbalik sa Ginoo. Paingon sa Houston, Texas, kanila nga naghulat sa Pagbalik sa Ginoo. Hangtud ngadto sa Chicago, kanila nga nagpaabot sa Pagbalik sa Ginoo. Paingon ngadto sa Silangang Kabaybayonan, sa New York ug sa Connecticut, ug sa dakung panon diha niana nga nagpaabot sa Pagbalik sa Ginoo. Wala nay among igong luna diri nga kapalingkuran kanila, busa amo na lang ipadala kanila ang Pulong pinaagi sa - sa paagi sa telepono. Among gipadangat ang mga pangumosta ngadto kang Igsoong Junior Jackson niining gabhiona, ug sa iyang panon diha sa Clarksville. Si Igsoong Ruddell diha sa 62, ug sa iyang panon, nga naghulat sa pagbalik sa Ginoo. Ug nagkatigum kami diri niining gabhiona sa kaugalingong simbahan, dili sa Tabernaculo, nga nagpaabot sa Pagbalik sa Ginoo.

3 Ug, karon, tingalig daghan kaninyo ang wala sa panimbahon kaganihang buntag. Apan nanghinaut ako nga kadtong wala makakuha sa teyp, tungod kay nagtoo ako nga ngadto maoy labing madayganong mensahe alang sa iglesia sukad sa - sa mensahe nga MGA SINEORES,UNSA NA BANG TAKNAA KINI? Gibati ko ang dihog sa Espiritu, gimadoan ako pagsulti kung unsay buhaton ko. Hataas kaayo kadto, apan gimadoan ako sa pagbuhat niini. Ug nagtoo ako nga ang Ginoo, piaagi sa Iyang Pulon, mipakita kung unsa nang panahona kining atong gipuy-an. Ug nasiguro ko nga atong hingsabtan kining mga butang gililong nga nagakahitabo. Nabalo kamo, ang Biblia nag-ingon, "Ang maalam makasabot."

Apan ang mga kanasuran ug ang mga katawhan magakaluya ug makinaadmanon. Hunahunaa lamang, kay ang kasagarang hamtong nga Americahon karon sa mga nagpanuigon ug kaluhaan, mga luyahon apan makinaadmanon. Walay ilang mga ayroplanong jet kanhing mga panahon u - ug mga bomba atomica, apan hatag-as ang ilang ma kinabuhi. Kitang tanan nagkaanan pagkamaluyahon ug makinaadmanon, ug ang kaugalingon tang salabotan maoy molaglag kanato. Atong gilaglag ang atong kaugalingon. Dili ta laglagon sa Dios, ang atong kaalam maoy molaglag kanato. Ingon niana kanunay, ug mibalik na usab kini.

4 Karon, kun itugot sa Ginoo, sa sunod Domingo sa buntag, gani wala ako masayud kung akong hisgotan, apan masaligon ako nga an Ginoo, kon itugot pa Niya nga mabuti pa kita ug walay mahitabo, ug kung Iyang kabubot-on, gitinguha ko pagsulti sa laing mensahe sa sunod Domingo sa buntag, nga mangampo sa masakiton sa sunod Domingo sa gabii. Ug pagkatapus higayon ko na sa pagpauli sa Arizona, dinala ang akong pamila aron ang mga kabataan mahipalista sa tulonghaan. Ug unya kamo . . . Pahibaw-on ko lang kamo, kung makahigayon, diha sa mga tigum kung magulang na sila, o sa mga panahon nga atong . . . sa mga dapit nga maoy atong tumong. Busa panalanginan kamong tanan sa Dios.

Ug karon, niining gabhiona, sa hingsayran nga kini maoy... Nalangan ako ug napulog-lima ka gutlo, napulog-lima na lang ka gutlo sa dili pa ang alas-otso dinhi sa Jeffersonville; ug hapit na mag-alas noybe did - didto sa Silangang kabaybayonan; ug hapit na mag-alas singko didto sa Kasadpang kabaybayonan. Busa dinhi karon hapit na mosalop ang adlaw. Ug makigsulti ako kaninyo sulod lang sa hamubong bulohaton, aron sa pagpangita sa dihog sa Espiritu ug dayon sa pagpalinya sa magpaampo.

5 Karon, buot ko nga ang congregasyon dinhi, maingon man sa congregasyon nga nagakatigum sa laing mga dapit, pangita ug mga tawo, sa mga kaigsoonan nga dinihogan sa Espiritu, ug kung mosugod na kami pagpangampo sa masakiton, lakaw ug pandongi sa mga kamot sila nga anaa sa inyong congregasyon. Ug, hinundumi, nga ang Dios anaa sa tanang dapit, anaa Siya sa tanang dapit. Busa sugod sa Texas, ngadto sa California, paingon ngadto sa Arizona, bisan kung hain kamo, pandongi silang mga masakiton kung mosugod na kami sa pagpangampo sa masakiton. Ug siguro ako nga ang Dios mamati ug motubag sa mga pag-ampo.

Butabg nga talagsaon, sa miaging Domingo sa gabii, ug ang dihog nagpadayon, ug ang Espiritu Santo. . . Usa kadto ka maayong butang. Wala akoy tahas sa - sa pagpangila sulod sa mga bulan ug mga bulan, sukad nga dinhi ako sa miaging panahon. Ug aron paglakaw diha niana ilalum sa usa ka saad . . . Dili ka masayud nga buhaton kini Niya. Dili ka makaingon nga buhaton kini Niya. Kinahanglan nga molakaw ka lang didto ug maghulat. Halangdon Siya, Iyang buhaton ang unsay Iyang gusto. apan pagpabilin didto ug paghulat aron tan-awon kung unsay Iyang pagabuhaton, kay diha niana mabati mo Kini nga milihok pinaagi kanimo nga sama niana.

6 Ug sa pagkatapus sa - sa tigum, wala ako makaila kung kinsa kadto, apan dihay ua ka tawo nga didto niadto sa duol sa kutay nga hataas, ug upaw, ug masakiton siya kaayong pagkatawhana.

Ug unya sa katapusan dihay usa ka tawong mitungha dinhi sa tablado, ug iyang giduko ang iyang ulo, ug daw nag-antus siya kun tan-awon, nga nagkumot sa iyang tiyan. Ug nagtoo ako nga kadto maoy una o ikaduhang tawo, o kanus-a ko siya hiampoi, tungod kay upaw man siya ug nagduko sa iyang ulo; dakung tawo, ang nagtidog. Apan miliraw ug nakita ko ang lalake nga naglingkud didto, ug nagmalipayon. Namalandong ko, nga "Hain man kini?" Dili ako makasiguro kung hain na kadto. Mabati ko kini ug makita ang tawo sa atubangan ko. Nabati ko kini nga milugnot dinhi niini, ug gikan kadto sa likud. Gitan-aw ko si Igsoong Neville ug kining duha naglingkud dinhi, dili kun sila kadto. Matud ko, "Ang tawo anaa sa sulod sa bautismohan sa likud." Ug nahibalo ba kamo kung kinsa kadto? si igsoong Shepherd. Ang hinungdan nga dil ko siya maila, tungod kay naglinkud man siya sa likud ug nagduko, nga nag-ampo.

Nagtoo siya nga mamatay na siya, nagtoo sa milabayng mga semana. Gisultihan siya sa iyang asawa nga molakaw ug mopalit ug sapatos, ug mitubag siya, "Wala ko sila kinahanglana, kay dili na ko magdugay dinhi."

7 Ug nakigkita siya kanako sa miaging adlaw didto sa . . . didto sa tugkaran nila ni Igsoong Wood ug misinggit ug nagdayeg sa Dios. Nga nagkanayon, "Nagkaon ako karni,

itlog, kamatis, bisan unsay akong gusto.”

Ug mapaubsanong gihatag ang iyang gilingkuran, ug milakaw didto sa gawas, ug nag-ampo. Tan-awa, wala mo na kinahanglana ang kard sa pagpaampo, pagtoo ra ang imong gikinahanglan. Nakita mo? Karon, wala ako masayud kung naayo ba siya o wala, igo lang ako moingon, nga “ U - usa ka tawo, ang nag-ampo, nga may iyang sakit sa tiyan.” Nagtoo ako nga gitawag Kini kung unsa kadto, “Sakit sa tiyan, ug nag-ampo dinhi sa luyo. Ang Ginoong Jesus maoy nag-ayo kanimo.” Karon, mao lang kana ang akong ikasugilon. Ang nakatabang tungod kay nag-ampo siya. Makita ko kini, apan kung unsay wala ako masayud. Nakita mo?

Apan kung makita mo nga maibalik Kini, makabantay ang tanan, kung moingon Kini, “MAO KINI ANG GIINGON SA GINOO,” NAKITA MO? Dili kun ako kanang nagsulti. Siya kana.

8 Apan kanunay akong moingon, “Si Jesu-Cristo maoy nag-ayo kanimo.” Mao kana ang tukmang Kamatuoran. “Siya gisamaran tungod sa atong mga kalapasan, pinaagi sa Iyang mga labod kita nangaayo.” Nakita mo? Nakita mo?

Apan kung moabot Kining, “MAO KINI ANG GIINGON SA GINOO,” ug sultihan kamo kung unsay angayng buhaton ug unsay mahitabo, bantayi kana, kay mao gayud kahimtanga.

Apan kung moingon ako, “Si Jesu-Cristo moayo kaninyo ug maghingpit kaninyo,” toohan kini ninyo, tungod kay gipamulong na kini Niya, Igo ko lang balikon kung unsay Iyang giingon.

Ug ang usa ka panan-awon igo lang mobalik kung unsay Iyang gipakita. Nakasabot ba kamo?

9 Karon, dalidalion ta ug moadto to dayon sa Pulong, tungod kay nasayud ako nga daghan kaninyo ang ania dinhi, nga mibiyahi ug halayo kaayo niining gabhiona, lampo ko nga ang Dios magapanalangin kaninyo ug motabang kaninyo ug manalipod kaninyo diha sa kadalanan. Ug karon maoy akong tinguha ang pag-abli sa San mateo, sa capitulo 21, sa bersiculo 1 hangtud sa 11, diha sa San Mateo. Ug, karon, kong wala kamoy sa Biblia, o kung gusto ninyong isulat kining mga Kasulatan, maayo hinoon.

10 Ug karon alang kaninyo nga wala makadungog sa mensahe kaganihang buntag, ug aduna kamoy teyp rekorder, wala gayud kami mamaligya ug mga teyp. Wala gayud kami mamaligyag bisan unsa. Usahay diha sa dakung tigum ilang nga anaay ilang mga libro didto, wala kami magbuhat ug bisag unsa gikan kanila, si Igsoong Vayle maoy magsusulat. Ang mga teyp, ang tawo nga nagpalihok sa panginabuhi sa teyp didto maoy magtug-an kaninyo, wala kami manapi sa teyp. Wala kami maghunahuna sa mga “teyp,” kondili ang Mensahe. Ug kung anaa na sa hunahuna sa tawo nga makasapi niini, nan dili na siya mamuhat pag mga teyp. Mao kana. Nangutana ako bahin niini, nagtoo ako nga ang kantidad sa among teyp dili moubos sa lima ka dolyar, o ingon niana, tulo ngadto sa lima, o ingon niana. Unsay giingon? Tulo o upat, sa mga dagku, ug hatag-as nga mga teyp.

Ug usa ka ministro, ang akong gipangutana bahin sa usa sa iyang mga teyp, ug siyam kadto ka dolyar, hapit magkaluhaan ka gutlo o katloan, sa usa ka mensahe.

11 Dinhi nakita ko nga si Igsoong Sothman wala madato, ug bisan kinsa kanila, dinhi niining mga teyp nga i - ilang gipagawas. Tan-awa, igo ra alang kanila nga mokita pinaagi niini. Dili ka makaingon kanila nga magbuhat niini nga walay mahimo tungod kay ila man usab paliton ang mga teyp ug uban pa. Ug ang mga makinaryas mahal kaayo, hapit magnapulo ka libo ka dolyar ang bili aron andamon alang sa pagpadagan sa mga teyp.

Karon, akong nasabot nga dili madugay akong . . . Wala pa kini nila mahipahibalo, apan aduna na usay husay sa teyp. Sa kanunay atong . . . ang mga piniyalan, wala na akoy mahimo pa niini. Wala man gani ako. . . ni kausa sa mga tigum. Mahimo na supak kini o uyon. Ilang giuli ang ilang tanyag; kay nakahukom na ang mga piniyalan kung kinsay mosunod nga magbuhat ug mga teyp, ug ila siyang padad-ag sulat. Mao lang kana ang akong hingbaloan bahin niini. Ilang giatiman kana, tungod kay dili na man gani ako makahalad ug mga kabataan tungod sa pag-inusara sa pag-atiman sa mga teyp, o makabautismo.

12 Ug sa ingon mahitumong na ang akong kaisipan sa Mensahe. Mao kana ang Ikatulong Paghunat, ug mao kanang kinahanglan unongan ug tahuron.

Sa Mateo 21: 1 ngadto sa 11, gisulti ko kana aron kamo makabantay sa . . . o makaabli sa Kasulatan:

Ug sa ilang. . . Ug sa nagkahiduol na sila sa Jerusalem, ug sa paghiabot nila sa Betfage, sa Bungtod sa mga olivo, duha sa mga tinun-an gisugo ni Jesus.

Ug, nanag-ingon kanila, Umadto kamo nianang balangay sa atbang ninyo, ug didto inyong makita dayon ang usa ka asna nga gihigot, ug ang usa ka nati uban niini; hubari ninyo sila, ug dad-a dinhi kanako.

Ug kon adunay mangutana kaninyo, ingna lang siya, 'Gikinahanglan sila sa Ginoo; ug iyang ipadala sila dihadhi.

Nahitabo kining tanan, aron sa pagtuman sa gisulti pinaagi sa profeta, nga nangaingon,

Suginli ninyo ang babayeng anak nga Sion, Tan-awa ang imong Hari nagaanhi kanimo, maaghop ug magkabayo sa asna ug sa nati nga anak sa asna.

Ug ang mga tinun-an milakaw, ug ilang gibuhat ang gisugo kanila ni Jesus;

Ug ilang gidala ang asna, ug ang nati, ug kini ilang gihapinan sa ilang mga sapot, ug ilang gipakabayo siya niini.

Ug ang kadaghanan sa mga tawo nanagpamuklad sa ilang mga sapot diha sa dalan; ug ang uban nanagpamutol ug mga sanga sa mga kahoy ug ilang gipanagkatag kini diha sa dalan.

Ug ang mga panon sa katawhan nga nanag-una, nanagsunod, nanagsinggit, nga nanag-ingon, Hosana, sa anak ni David: Dalaygon ang nagaanhi sa ngalan sa Ginoo; Hosana sa kahitas-an.

Ug sa paghidiol na niya sa Jerusalem, naukay ang tanan sa ciudad, nga nagaingon, Kinsa ba kini siya?

Ug ang mga panon sa katawhan miingon, mao kini ang profeta nga si Jesus nga taga Nazaret sa Galilea.

Karon, kong gikan dinhi hisgotan ko ang usa ka teksto sulod sa katloan ka gutlo, sa dili pa magsugod ang pagpangampo sa mga naglinya, hisgotan ko kini alang sa usa ka teksto nga nagaingon: "Unsay Napakadani Didto Sa Ibabaw Sa Bungtod?"

13 Karon, usa kadto sa labing malaay, ug makapalisang nga adlaw, ug usa kadto ka adlawng talagsaon. Dinhi atong makita si Jesus nga mitungas sa Jerusalem, aron pagsaulog sa pasko. Ug ang pasko maoy dapit diin adto patya ang carnero sa pasko, ug ang dugo isablig didto sa lingkuranan sa kalooy alang sa - sa pagtubos sa - sa mga katawhan. Ug mao pay Iyang paghiabot gikan sa Betfage ug miadto didto sa ibabaw sa Bungtod sa mga Olivo, nga nagdungaw sa laing gamayng bungtod diin didto matukod ang Jerusalem. Samtang naglantaw Siya, nahibalo Siya nga mao na kana ang katapusan Niyang pagduaw.

Mao na kini ang takna nga itugyan na Siya ngadto sa mga kamot sa mga tawong makasasla ug ilang patyon Siya. Patyon siya sa labing mangilngig nga kamatayon nga bisan kanuns-a wala pay nakasinati sa mga may kamatayon, ug ilubong. Siya pagabudhian sa Iyang Kaugalingon, ang uban kanila mobarug dapig Kaniya. Ug Siya, ingon nga Dios, nasayud kung un-say anaa sa ilang mga kasingkasing, ug sukad pa sa sinugdan nasayud na kung kinsay magbudhi Kaniya. Ug nasayud nang daan nga kanang tawhana ikauban Niya kinsa molingkud sa Iyang kiliran ug magarihap sa Iyang salapi alang Kaniya, ug uban pa, mahibalo na nga kanang tawhana maoy mobudhi Kaniya. Ug nahibalo nga ang usa ka mabangis nga Romanhong krus nagahulat Kaniya didto sa gawas. Iyang hingbaloan nga ang Iyang tubig diha sa Iyang lawas ug ang Dugo sa Iyang lawas managkabulag, ug ang Dugo motulo sa Iyang agtang dagkung mga tinulo nga sama sa singot. Nahibaloan na Niya kanang tanang anaa sa Iyang atubangan. Ug mitindog Siya sa ibabaw sa bungtod, nga naglantaw sa Jerusalem.

14 Ang mga katawhan niadtong adlaw ang . . . nga ilang gitawag kadtong adlaw,

nga "usa ka maayong matang sa mga relihiyosong katawhan," maoy nagdumot Kaniya. Ang mga kaiglesiahan niadtong adlaw nagadumot Kaniya ug naghingilin Kaniya, ug ang tanang magpatalinghug Kaniya ilang pagahinginlan. Ug kong moadto sila ug motambong sa Iyang mga tigum, dihaduha palagpoton sila gikan sa panagkatigum sa iglesia. Dili ikahibulong nga ang Kasulatan nag-ingon, "Sa mga Iya mianhi Siya, ug ang mga Iya wala modawat kaniya." Siya nahiabot sa Iyang hihigugma, sa iyang Kauglingon. Ang uban nga mao untay magpakitag paghigugma Kaniya, ang uban nga miuban Kaniya, maoy Iyang labing mabangis nga mga kaaway.

15 Ug sa makahimo na Siya ug usa ka gamayng pundok gikan sa usa ka pundok sa mga kabus ng katawhan, mga mangingisda, mga maniningil sa buhis, walay edukasyon. Ang Biblia nag-ingon nga bisan ang uban kanila "ignoranye, walay alamag." Ang uban kanila dili gani makasulat sa ilang ngalan. Wala gayud Siya moadto sa mga kasimbahanan aron makuha sa Iyang katawhan.

Bisan kanus-a wala gayud Siya makig-uyon kang bisan kinsa nga mga pangulo sa iglesia. Ug gawas pa niana, Iyang gisunod ang lakang sa usa ka manalagna. Ang tanang mga butang nga ilang ginabuhat Iyang gihukman, maingon man usab kadtong nanghiuna Kaniya sa wala pa Siya; tungod kay sila mga kabahin man sa Pulong sa kinatibuk-an Niini.

16 Apan luyo niining tanan, bisan sa matag panahon ug ang matag profeta nga dinhi na o sa umalabot pa, adunay matuod nga katawhan nga ginahin nang daan aron magpatalinghug sa Mensahe, ug mosunod sila Niini. Kadtong wala manumbaling sa panahon sa katawhan. Ilang gipakawalay bili ang pagbiaybiay sa dili mga magtotoo. Dili si-sila makiglalis kanila. Usa ka butang ang ilang ginabuhat, mao kanang pagtoo ug pagkuha sa matag lugas Niini nga ilang mahimo, ug ipatuhop Kini sa kahiladman sama kang Maria kinsa milingkud sa tiilan ni Jesus.

Ug si Marta naghikay sa Iyang panihapon, ug si Jesus miingon kaniya, "Apan, Marta, nagkapuliki ka sa mga butang bahin sa kinauhi, apan si Maria nakakaplag sa maayong mga butang," tan-awa, ang mga butang sa Kinabuhing Dayon.

17 Karon atong hingkaplagan nga daghan sa mga katawhan ang nakasabot. . . Walay ilang mga basahon ingon nga anaay ato karon, walay silay telebisyon o kaha telepono, o bisan unsang butang, niadtong adlaw, apan adunay usa ka daw huyohoy diha sa Iyang pagpadulong aron motambong sa pasko. Tungod kay daghan sa mga katawha nga esperituhanon ang panghunahuna, ang nasayud nga Siya mao ang Cordero sa pasko, tungod kay gikasugilon na man Niya kanila ang mga butang nga magakahitabo.

18 Ug unya, dayag na lang, nga hingbaloan nga moadto Siya didto, ug nahigugma Kaniya sa paagi nga ilang gibuhat, sila naghulat Kaniya, Dihay usa ka panon nga nagtinuloray, nagdinotdutay gikan sa usa ka pultahan hangtud sa usa, ang nagbantay sa matag dapit, tungod kay ilang hingbaloan nga usa madtong taknaa magpakita Siya. Nagbantay sila.

Ang uban natingala kung unsay nahitabo niining mga tawhana nga nagdudalagan man gikan sa usa ka pultahan ngadto sa usa. "Unsa may nakapadani?"

Ug mitan-aw sila dinhi ug didto, aron sa pagpangita. Daw dihay ilang gipangita nga butang, ubos sa paghulat sa usa ka butang mahitabo.

Oh, gusto ko untang ilisan ang akong teksto sulod sa usa ka gutlo ug isulti kini, mao kanay hinugdan karon. Ang mga katawha nga nagpangita Kaniya anaa sa dakung kahinam ug pagpaabot. Atong mabati kini, ang kahugot. Ug ilang gipangita, gibantayan ang matag lihok ug ang matag ilhanan, nga nagtandi niini pinaagi sa mga Kasulatan.

19 Ug sa nakita na nila kadtong mga butanga nga Iyang gipanagna, diha hangtud sa katapusan, ilang hingbaloan nga ang katapusan haduol na. Gusto silang moadto didto, busa nagbantay sila. Ang ubang panon sa katawhan dapig kaniya, diha sa labing gamay. Ang uban batok Kaniya, ang kadaghanan kanila, kasiyaman ka porsento ang supak Kaniya.

Ug mao rang kahimtanga kini karon, sa panon sa mga relihiyoso, kung bahin na gani sa Pulong ug kang Cristo, anaay usa ra ka porsento ang motoo Niini. Ang laing bahin dili pagpakabana Niini, bisan kung unsa pay mabuhat, magpasiaw lang sila o kaha molabay ug usa ka pagsaway bahin Niini. Hapit ra magkapariha. Ang panahon, ang mga butang dili kaayo mangusab, ang kasaysayan magbalikbalik ra.

20 Tan-awa, atong nakita nga kana nakapaalsa sa kahadlok ug kabalaka. Magmugna gayud kini, mahitabo gayud kini. Nagpaabot sila, namalandong sila kung unsa unyay Iyang buhaton kung moabot na Siya didto. Gusto silang moadto didto aron makasabot sa bisan unsang butang nga Iyang mabuhat. Nagkinahanglan sila Niini. Gusto silang motan-aw Niini. Mitoo sila kaniya. Ang uban nakadungog nga moabot Siya, ug nangadto sila didto aron kataw-an Siya. Busa luyo sa mahinamong pagpaabot, usa ka talagsaong panahon, ang mga kasimbahanan nanghikatulog, ang kadasing sa katawhan diha ra sa daplin, dihay mga katawhan didto, ug dayon nahitabo kini.

21 Didto sa ibabaw bg Bungtod sa mga Olivo migula ang usa ka gamayng, maputi nga asno nga nagsingabot, naglugsong gikan sa bungtod, uban sa panon sa katawhan nga mga fanatico nga nagasinggit, nga may dalang mga dahon sa palmera gikan sa kakahoyan, ug nanagpangitsa sa ilang mga sapot diha sa kadalanan nga nagasinggit, ug "Hosana sa Anak ni David nga mianhi sa Ngalan sa Ginoo!" Ang . . . kining gamayng mula, ang Nagsakay kaniya walay lain kondili ang dinihogan sa Dios nga Mesiyas niadtong taknaa.

Nan, ang Dios, unsa may Iyang gibuhat? Unsa kadtong nakapadani didto sa ibabaw sa bungtod? Ang Dios kadto nga nagbuhat ug kasaysayan, ug ang Dios nagtuman sa profesiya. Ug mao kana ang makahatag kanunayg pagtagad. Mao kini ang nakapatungas sa tamang mga hinawayon, ang mga bantog (sa mensahe sa buntag), ug ang mga agila usab. Nakita mo? Nag-uban sila aron susihon kung unsa nay nahitabo. Ang uban miadto aron maniid, ang uban miadto aron mangitag sayup, ang uban miduol aron manamay. Didto nagkatapok ang tanan sama sa atong gihisgotan kaganihang buntag: ang mga magtotoo, ang nagpakaaron ingnong magtotoo, ug dili magtotoo. Unsa may didto sa ibabaw sa bungtod? Ang profesiya natuman na. Karon, atong tan-awon kung unsay nahitabo.

22 Karon, diha sa Libro ni Zacarias, sa capitulo 9 bersiculo 9. Si Zacarias nga usa sa mga profeta misulti diha sa Espiritu nga nagaingon:

Pagmaya sa hilabihan ayamot; O anak nga babaye sa Sion; pagsinggit, O anak nga babaye sa Jerusalem: ania karon, ang imong Hari magaanhi kanimo; siya matarung man, ug adunay kaluwasan; mapaubsanon, ug nagakabayo sa asno, bisan sa usa ka nati sa asno, usa ka nating kabayo nga anak sa usa ka asno.

Karon unsa may nahitabo sa mga escriba? Unsa may nahitabo sa mga pari? Unsa may nahitabo sa mga relihiyosong mga katawhan? Gisulat kini sulod sa upat ka gatus kawaloag-pito tuig una kini mahitabo, pinaagi sa usa ka pinaluyohang profeta, ug nahisulat na diha sa mga kasulatan nga gitawag ug Bibilia, ang basahong linukot sa Daang Tugon. Nganong wala man sila makakita nianang panagna nga natuman na? Managsama ra ang hinungdan nga dili sila makakita niini karon. Ilang gikuha ang pulong sa Dios ug gihimo Kini nga walay kapuslanan sa mga katawhan, pinaagi sa pagpanudlo (sa mga kalagdaan) sa mga doctrina nga kalagdaan sa tawo.

Ug kon ang mga escriba, ang mga magwawali, ang mga ministro, tawong espirituhanon (nga gitawag) mga dinihogan, mobasa pa lang unta sa Biblia, nan dili na sila matingala kung unsay nahitabo, mahibalo gayud unta sila kung unsa Kini. Ang Dios nagatuman sa Iyang Pulong.

23 Ang kasaysayan nahimo na, ang profesiya nangatuman na. Ang kaluwasan sa kalibutan najiabot na, ang dakung adlaw nga maoy gilantaw sa mga profeta. Ang tanan nga anaa sa lubnganan nagapaabot nianang adlaw (Husto kana. Hunahunaa kini!), silang tanan nga mga nangamatay, ang tanang mga matarung sa dugo sa mga gipangsakit ug sa mga profeta.

Kinsa maoy Iyang gisinggit, "Jerusalem, O Jerusalem, nga nanagbato sa matag profeta nga Akong gipadala kaninyo, ug nagpatay sa mga matarung, sa makadaghan gipangandoy Ko ang pagtigum kanino unta sa imong mga anak, maingon sa himungaan nga nagatigum sa iyang mga piso, ilalum sa iyang mga pako apan nagadumili kamo! Apan karon ang imong takna nahiabot na."

24 Ang tanan nga anaa sa lubnganan, si Abraham, si Isaac, si Jacob, ug ang tanang mga profeta, kitang tanan nagapaabot niining taknaa.

Ug ang Iglesia nabutahan Niini. Kinsa man kining nagpasiugda sa tanang kabanha? Kinsa man kanang Tawhana nga nagaingon sa usa ka higayon . . . Dili ba mao man kana

ang anak sa panday nga ania dinhi? Nakaila ta Kaniya. Diin man Siya makakuha ning kaalama? Tan-awa, wala ta makakita Kaniya nga nakighiusa kanato sa atong mga tulonghaan. Wala ta masayud kung diin nga mga libro ang Iyang hingkat-onan. Kinsa man kini?

Siya maoy tubag sa profesiya sa mga profeta. Ania na Siya, nagkabayo sa usa ka nating asno. Unsay kamadanihon! Ang Dios nagtuman sa Iyang gisaad nga Pulong ang panahon nga ginahulat sukad pa sa upat ka libo ka tuig. Diha sa Genesis, sa capitulo 3: 15, ang Dios nanagna, "Ang kaliwat sa babayemagasamad sa ulo sa serpente, apan ang iyang ulo apan siya magasamad sa iyang tikud," kanang maong panagna pinaagi sa Biblia nga gipanagna nang daan ang paghiabot niining Tawhana.

25 Ug dinhi palang dugay dihay usa ka profeta nga mitindog sa ilang taliwala, usa ka profeta nga gipaluyohan, si Zacarias, ug, siya miingon, "Kamong mga anak nga babaye sa Jerusalem ug kamong mga anak nga babaye sa Sion, pagmaya, pagsinggit, siyagit, tungod kay ang imong hari nahiabot na kanimo, malomo ng mapaubsanon ug maaghop, nagkabayo sa nati nga asno."

Ug ania kadtong mga katawhan nga nagabasa sa Kasulatan, matag adlaw, nagabantay Kaniya nga moabot nga nagasakay niini, ug nagsinggit, "Kinsa man kini?" Tan-awa? Ang Dios nagatuman sa Iyang Pulong diha sa mga katawhan nga kinahanglan mahibalo kong unsa Kadto, apan wala sila mahibalo Niini

Kung tumanon na sa Dios ang Iyang Pulong, Kini maoy maghatag kanunay sa pagkamadanihon, kanunayng mao gayud. Mohatag sa pagkamadanihon, tungod kay talagsaon man Kini. Talagsaon kaayo, kung tumanon na Niya ang Pulong diha sa modernong lakat sa panahon, tungod kay ang modernong lakat sa panahon dili man motoo Niini. Sila anaay kaugalingong paagi.

26 Karon, atong nakita, ug mobalik ta sa mga Kasulatan ug maghisgot ta sa lain pang talagsaong panghitabo, sa pipila na lang ka gutlo, kung tumanon na sa Dios ang Iyang panagna. Kung mosulti ang Dios ug bisan unsa, buhaton gayud Niya kini. Ang mga langit ug ang yuta mangahanaw, apan kanang Pulonga dili gayud mahanaw. Busa sa kasagaran mohatag gayud kini ug talagsaong eksena.

Himatikdi kung unsa ka talamayon ang Pulong sa Dios ngadto sa u - usa ka katawhan nga motoo unta Niini, ug dinhi talagsaon ra Kini kaayo mao kanay ilang gisinggit, "Tan-awa, unsa man kini? Diin mo man makuha kanang mga butanga? Unsa man kini?" Samtang angayan unta silang maninggit, nga "Hosanna sa Hari nga nagaanhi sa Ngalan sa Ginoo!" (Apan didto dihay usa ka gamayng pundok nga nagbuhat niana, usa ka gamayng pundok) Sulod sa apat ka gatus ka mga katuigan nga panagma, alang sa labing dakung butang nga mahitabo sa nasud, tungod kay ang tanang paglaum sa mga patay naglaum Niini, ang tanang paglaun gipahimutang Niini, ug ang mga tawong relihiyoso nga miangkong nga nagtoo Niini naninggit nga nagaingon, "Kinsa Kini? Ug unsa may nakapadani?" Usa ka talagsaong butang! Nga hapit managsama ra, wala kini mausab, karon usa ka talagsaon.

27 Atong tan-awon ang lain pang talagsaong mga butang, sumala sa ako nang giingon. Unsa may makapadani sa wala pa moabot ang paghukom sa kalibutan ug gilaglag kini pinaagig tubig? Usa ka tawong tigulang, nga may usa na ka gatus ug kaluhaan ang panuigon, ang nagbuhat ug usa ka barko nga wala may tubig nga mopalutaw niini. Didto sa ibabaw sa daghang mga katuigan, didto nagtindog sa pultahan, nagtukod nga halayo kaayo, sa sulod niini, ug nagbulit niini sa sulod ug sa gawas, ug miingon, "Ang kalibutan pagalamyon sa tubig," ni adtong panahon nga dakung siyentifikanhon.

"Unsa man kanang nagpunayg taguktok didto sa ibabaw sa bungtod?" "Oy, usa ka tawong tigulang nga ginganlag si Noe, ug atua siya didto sa ibabaw, usa ka tigulang fanatico. Ang tawong tigulang nga nagpabantang sa kainit sa adlaw, gihampak siya sa adlaw. Wala siya sa iyang maayong kaisipan. Ug nagbuhat siya nianang iyang tinawag mga "arka," ug miingon nga adunay mga tubig nga moabot gikan didto samtang walay tubig, ug mao kini ang mopalutaw sa tanang katawhan, ug ang tanan nga wala mamati sa iyang mensahe ug ang tanan nga dili mosulod sa arka mangalumos. Nakadungog ba kamo nianang mga butanga?" Usa kadto ka talagsaong makapadani!

28 Akong mapamalanong nga kung ang katawhan gusto ganing mokatawa, manungas sila ug motindog sa atubangan sa pultahan sa arka ug magpahikatawa. "Oh, miingon ka

nga moulan usa na sa gatus ka tuig ang milabay! Si lolo nag-ingon kanako nga nadungog ka niya nag-ingon nga moulan ug sa gihapon nagpadayon ka pa pagdukdok niining mga daan nga kahoy dinhi. Nganong dili ka man mokuhag katabang?"

Apan ang Dios maoy nangandam aron pamatud-an ang saad ug aron tumanon ang usa ka profesiya nga giingon sa Iyang profeta. Talagsaon gayud kaayo! Ang Dios nagtuman sa Iyang gisaad kang Noe, samtang ang uban nagakatawa. Ang Dios nangandam na usab aron magbuhat ugkasaysayan aron ipakita ngadto sa uban bisan gani niining adlaw, nga ang Dios nagtuman sa Iyang Pulong! Bisin kun daw dili katuohan kungtan-awon, ug dili makatarunganon, sa gihapon Iyang tumanon ang Iyang Pulong. Gihimo Niya kini nga usa ka panag-ingnan, gikan niadtong tawong tigulang nga nagpunayg dukdok nianang arka, alang sa mga katawhan dinhi sa America niining gabhiona ug sa tibuok kalibutan. Bisin kung unsa pay ikasukti sa siyensiya, unsay ilang ikasulti (kini, kana, ug uban pa), sa gihapon tumanon Niya ang Iyang Pulong. Nagbuhat Siya ug kasaysayan.

29 Unsa may nakapadani usa niana ka adlaw. . . Ang usa ka talagsaong butang nga nahitabo didto sa kamingawan, ug usa kadto ka kahoy nga nagdilaab sa kalayo. Ug ang layas nga profeta didto nagtindog sa kamingawan. Walay tingog na iyang hingdunggan, walay kasikas nga iyang hingdunggan, apan mitan-aw siya ug nakakitag usa ka talagsaong butang didto sa ibabaw sa bukid. Ang Dios nangitag paagi nga madami ang iyang pagtagad. Mao ra usab kini karon!

Ang Dios nangandam na aron tumanon ang Iyang Pulong, pinaagi sa Iyang profeta nga si Abraham, "Ang imong kaliwat magdumoluong sulod sa upat ka gatus ka tuig sa usa ka langyawng yuta, apan kuhaon Ko ra sila pinaagi sa bukton nga kusgan."

Ug nagtagana Siyag usa ka alang sa usa ka bulohaton, sama sa Iyang pag-andam sa arka alang sa labing siguro nga dapit alang sa tanan nga motoo. Gipadilaab sa kalayo sa Dios ang kahoy, ug kining magbalantay sa carnero, nga si Moises, miingon, "Lingion ko ug tan-awon kung unsay buot ipasabot niining butang talagsaon." Ug sa gipaduol na Niya si Moises didto sa kahoy, Iya siyang gisultihan.

30 Sa ulahi unsa may makapadani didto sa hawanan ni Pilato, sa dihang giitsa niining magbalantay sa carnero ang sungkod ug nahimo kining bitin? Ang Dios nagtuman sa Iyang saad kang Moises. Unsa may nakapadani didto sa Patayng Dagat, sa dihang nanghingangha ang tanang kabayo ni Faraon, sa dihang nakita nila ang hangin nga mikunsad gikan sa langit ug migisi sa Mapulang Dagat gikan sa too hangtud sa wala; ug ang usa ka panon sa mga ulipon, nagalakaw sa bulohaton sa Dios, naglakaw tabok ngadto sa mamalang yuta? Unsa man kini? Ang Dios nagatuman sa Iyang Pulong. Ang kamatayon mikalagiw, ang buhing mga katawhan milatas; ug ang patayng espirituhanong katawhan pagsuhid niini, ug nangalumos. Ang Dios nagtuman sa profesiya ug naghimog kasaysayan. Mao kadto ang nakapadani didto sa Mapulang Dagat.

31 Unsa may nakapadani sa ikaduhang adlaw human niadto, didto sa Bukid sa Sinai, sa dihang giingnan ang tanang katawhan sa dili pagduol sa ilang mga asawa, sa dihang giingnan sila sa paglaba sa ilang mga bisti ug magbalaan sa ilang kaugalingon, ug magtigum palibot sa bukid diin ang tawo nga ginganlag si Moises miingon nga nakita niya ang Dios diha sa Haligi nga Kalayo? Ug ang Dios miingon kang Moises, "Manaug Ako sa taliwala sa katawhan. Akong pamatud-an ang unsay giingon Ko kanimo ug kung Kinsa Ako, Akong ipakita kanila nga Ako mao ang Dios." Mao kadto ang makapadani, ang Dios nagtuman sa Iyang Pulong.

32 Unsa may nakapadani unsa niadto ka adlaw diha sa kasaysayan, diin ang usa ka nasud nahikalimot sa Dios, diin ang mga katawhan nangahimong yano ug walay pagtagad, diin ang mg kaparian ang tanan kanila nangaanud na sa modernong pamaagi, ang mga profeta managna sumala sa kabubot-on sa mga pari? Ug niadtong adlaw, sama sa naandan, dihay usa ka tawo nga sa ilang pagtoo usa ka fanatico. Naghisgot siya bahin sa babaye nga namintal sa nawong, ug uban pa, ug daw usa siya ka talagsaong pagkatawo. Ug kining tawong tigulang milugsong ug miingon sa hari, "Walay tun-og nga mangatagak. . . hangtud nga tawagon ko."

33 Ug atong makita, diha, nga mitago siya mipahilayo gikan niini, ug mitago didto sa kamingawan sa usa ka dapit. Ang panon sa katawhan nagtoo nga tingalig naghimalatyon na siya o kaha patay na, apan gipakaon siyang maayo, ug gipainum usab. Ug karon ania

siya, milugsong ug miingon, "Nakita ba ninyo nga anaa kanako ang MAO KINI ANG GIINGON SA GINOO? Karon, kong wala pa kamo mangakabig, mangadto kita sa ibabaw sa bukid ug pamatud-an kung kang kinsang Dios," tungod kay nakakita man siya sa panan-awon gikan sa Ginoo.

Siya miingon, "Magpili kamo ug halaran, ug buhati kini, u - ug magpili kamog lakeng baka ug ihawon sila. Kay magbuhat ako ug halaran sa Ginoo, ug usab akong butangan sa akong mga lakeng baka. Ug tali kaninyo ug kanako maghalad kita, ug pasagdi nga ang Dios nga maoy Dios motubag." Dili gayud niya buhaton kana kung wala pa ang Ginoo magsulti kaniya; sa ulahi giingnan niya, "Gibuhat ko kini . . . kining tanan sumala sa Imong sugo, Ginoo."

34 Apan unsa may nakapadani? Atua didto ang upat ka gatus ka mga pari nagtindog sa ibabaw sa bukid, ug ang hari didto usab sa ibabaw sa iyang karwahi, uban sa tanan niyang mga hinagiban ug mga bantay nga nagpalibot. Ug kining tigulang, balhiboon, tawong dili hiilhan ang nawong kun tan-awon, upaw, ug ang buhok nagtabon sa iyang nawong, usa ka gamayng panit sa carnero ang iyang gibakus, ang mga buhok nagtabon sa tibuok niyang lawas, didto nagtindog nga may sungkod sa iyang kamot ug usa ka tibod sa lana sa pikas kamot, ang miingon nga tulo sa tuiug ug tunga sa wala pa kadto, "Ni bian tun-og walay matagak hangtud nga motawag ako gikan niini. . . o kini" (iyang gikuha ang dapit sa Dios, pinaagi sa maong mga butang sama sa malingin nga landong ug ang tanan nga ilang gihisgotan). Unsa man kadtong nakapadani? Mao kadto ang Dios nga nangandam aron paluyohan ang Iyang profeta nga maoy husto. Mao kadto ang Dios nga nagtuman sa gipanagna. Ang Dios usab nagbuhat ug kasaysayan, nga nagtuman sa Pulong.

35 Gatasan ka mga katuigan human niadto, dihay usa ka tawo nga dinihogan sa samang Espiritu, ug migula siya gikan sa kamingawan, nga wala mahisakop sa bisan unsang mga kapunongan; bisan pa kung ang iyang amahan tawo sa organisasyon, usa ka pari nga may katungdanan. Apan migula siya gikan sa kamingawan, nga nagbistig panit sa carnero, ang buhok mitabon sa iyang nawong. Inay nga ubanon, itum kadto. Unsa man ang makapadani niining tawhana nga nakapadani sa tibuok Jerusalem ug Judea? Ang uban kanila nanggawas ug miingon, "Anaay usa tawong luog didto, iyang gipanglumsan ang mga katawhan sa tubig. Kinsa may makapinaw sa butang nga sama niana?"

36 Ang uban mga masukitsukiton, ug miingon, "Tingalig mao na kini ang Mesiyas." Ua kanila ang miingon, "Mahimong usa kini sa mga profeta." Wala sila masayud kung unsay angayng hunahunaon. Apan unsa man kadto? Mao kadto ang Diuos nga nagatuman sa Isaias 40, diin nag-ingon Siya, "Ania karon. . ." unsay Iyang buhaton sa katapusang mga adlaw, kung unsaon Niya pagpadala sa Iyang ulipon ug unsay iyang pagabuhaton.

Ug atong makita, pipila ka semana human niadto, kadtong nakasiguro sa iyang mensahe hangtud nga miingon siya, "Anaay Usa sa taliwala ninyo kang Kinsang sandalyas dili ako takus sa pagbitbit. Siya maoy magbautismo kaninyo sa Espiritu Santo ug kalayo, maingon nga gibabautismohan ko kamo sa tubig."

37 Ug niadto ka adlaw usa ka yanong batan-on lalake, nagpanuigon ug katlaon, ang miadto ug gibautismohan. Ug sa pagduol niining tawhana, dihay nakapadani sa profeta, ang profeta niadtong adlaw lahi ang linihokan. Ang congregasyon walay nabuhat sa pagpunayg tan-wa sa linihokan sa profeta samtang nakiglantugi siya sa mga kaparian sa tabok sa suba.

Sila miingon, "Ang Dios maoy nagbuhat niini nga halaran. Gisultihan kami sa Dios sa pagbuhat niini. Si Moises mao ang profeta. Kami nagatoo kang Moises. Ang halad dili gayud ihikling."

Madungog ko si Juan nga mitubag nga nagaingon, "Wala ba ninyo hibasahi sa Kasulatan kung unsay giingon ni profeta Daniel, "Ang inadlaw-adlawng mga halad pahunongon na?" Ug kadtong taknan nahiabot na! Wala ba ninyo hibasahi kung unsay giingon ni Isaias sa capitulo 40, "Ang tingog sa usa nga nagasinggit sa kamingawan, andama ninyo ang dalan sa Ginoo?" Adunay duruha ka mga panagna alang kanako. Ug ang lain pa, wala ba ninyo maila ang atong profeta sa milabayng upat ka gatus ka tuig, si Malaquias, sa iyang pag-ingon diha sa capitulo nga nagaingon, "Ania karon, Akong ipadala ang Akong mensahero sa Akong atubangan aton pag-andam sa dalan? Wala ba kamo masayud nga kini maoy nagtuman sa maong panagna?" Ang profesiya natuman

na!

38 Ug sukad niadtong higayona ang profeta milingi ug miingon, "Tan-awa, mao kana ang Cordero sa Dios nga magakuha sa sala sa kalibutan!" Karon, unsa may nakapadani? Nabalhin kini gikan sa profeta ngadto sa pagkatuman sa iyang panagna.

Karon, himatikdi kung unsay nangatuman. Ania karon ang usa ka yanong tawo, nga walay laing nakaila, anak sa panday, nga mihaw-as gikan sa tubig. Samtang si Juan, ang bantugan nga profeta, miingon, "ako ang kinahanglan nga Imong bautismohan. Ikaw na hinuon ang miduol kanako?"

Siya mitubag, "Itugot lang kini karon, apan ingon nga profeta ug ang Pulong angay kanato ang pagbuhat niini aron pagtuman sa pagkamatarung."

Dihadiha iyang hingsabtan nga ang halad kinahanglang hugasan una sa dili pa kini itugyan, ug unya iyang gibautismohan Siya.

39 Karon, anan pay laing nakapadani nga nahitabo sa paghaw-as Niya sa tubig. Kining maong profeta nga kanunay matinud-anon sa pagpahayag sa iyang panahon ug takna, mihangad siya ug iyang nakita nga naabli ang kalangitan, ug iyang nakita ang Espiritu sa Dios, sama sa salampati, nga mipahimutang sa ibabaw Niya, ug ania karon usa ka Tingog nga nagaingon, "Kini mao ang Akong Anak nga pinalangga Kaniya may kalipay Ako." Ang Dios nagpamatuod sa mensahe sa profeta, nga maoy nakapadani sa pagtagad didto sa Jordan.

40 Usa ka igsoon ang miawit dili pa lang dugay, o moawit unta sa "Sa ibabaw sa halayong bungtod didto ang karaang Krus." Unsa may nakapadani didto sa Bukid sa Calbaryo? Samtang atong nakita ang relihiyosong kalibutan nga midagmal Kaniya, ug ang Romanhong kagamhanan mihukom Kaniya sa kamatayon. Ug ania karon Siya nagbitay taliwala sa duha ka mga kriminal, nga giuhaw, ang Dugo nanagpangagas sa Iyang lawas. Didto Siya nagbitay, nga misinggit, "Dios Ko, Dios Ko, nganong gibayaan Mo Ako?" Ug ang mga katawhang relihiyoso nga nagtindog didto ug nagtan-aw niini, diyutay lang ang ilang hingsabtan nga ang profesiya sa Daang Tugon didto natuman sa Calbaryo niadtong panahona.

Si David usab mismo nagsulat, o naglihok . . . napukan diha sa Espiritu sama sa tanang mga profeta, naglihok siya ingon nga siya kadto. Si David misinggit diha sa Salmo 22, "Dios Ko, Dios Ko, nganong gibayaan Mo Ako? Ang tanan Kong kabukogan sila nanagtutok Kanako. Ilang gilansang ang Akong mga kamot ug ang Akong tiil." Si David, nagsulti nga daw siya kadto. Ug dili kadto si David, si Cristo kadto nga diha kang David.

Ug ania karon ang maong panagna nga migula sa tanang nagkalainlaing mga profeta nangatuman na didto sa Bukid sa Calbaryo. Unsa may nakapadani didto sa Bukid sa Calbaryo? Ang Dios nagatuman sa Iyang Pulong.

41 Ang lain pang makapadani mao ang didto sa bukid, mao ang didto sa Pentecostes, samtang silang tanan didto sa hataas nga lawak sa usa ka relihiyosong fiesta, sa pagdahum nga nahurot na nila ang tanang mga fanatico. Tungod kay wala na man sila makadungog kanila sulod sa napulo ka adlaw. Sa kalit, sama sa usa ka balay sa putyokan, misiak sila gikan sa ibabaw sa balay, ngadto sa mga kadalanan, nanagsinggit ug nagapadayon.

Unsa man kini? Unsay ipasabot niini? Wala ba kaha mangahubog kini mga tawhana?

Bantayi! Ug usa ka profeta ang mitindog sa ilang taliwala, ingon nga maoy tahas sa usa ka profeta, ug miingon, "Kamong mga taga Israel, ug kamong nanagpuyo sa Judea ug sa Jerusalem, angay ninyong hibaloan, ug pamatia ang akong mga pulong. Kini sila dili mangahubog sa bino sama sa inyong gihunahuna. Apan mao ang giingon sa Ginoo pinaagi kang Joel, nga profeta, 'Ug mahitabo sa ulahing mga adlaw, nga igabubo Ko ang Akong Espiritu ibabaw sa tanang unod.'" Mao Kadto ang nakapadani.

42 Ang mga tawong relihiyoso, human sa ilang paglansang sa Principe sa Kinabuhi, ug uban pa, sa gihapon wala nila makita ang gisaad sa Espiritu Santo. Ang nakapadani, "Kinsa man kini? Unsay ipasabot niini? Unsa may nahitabo niining mga tawhana?"

Oh, tan-awa. Mao ra kini karon. Atong hiagian kining aron pagdala niini ning taknaa. Mao rang butanga kini karon. Mao rang butanga ang nahitabo, mao rang

pangutanaha ang gipangutana, "Unsa man kining tanang kabanha?" Mitan-aw sa kalsada ngadto nganhi, mga sakyanan gikan sa Michigan paingon sa Florida, gikan sa Maine ngadto sa California Kaganihang buntag samtang nagsakay, o niadtong hapon diha sa dalan, ang asawa ko ug ako samtang nagtan-aw kami sa mga lisensiya sa mga sakyanan. Didto ko niadto kining tekstoha mahunahunai.

"Unsay ipasabot niini?"

Sama sa giingon niini, "Diin ang mga Patay, didto usab ang mga agila!"

43 Giingnan ko ang akong asawa, "Pinangga, nahinumdom ka ba niadtong usa ka gabii sa dihang nanamilit ako sa tanan kong minahal dinhi sa kalibutan, ug miadto ngadto sa umahan sa Dios aron mosugod sa pagpamuhat? Imong giawit kadtong awita.

Oh, they'll come from the East and the West,
They come from the lands afar,
To feast with our King, to dine as His guests;
How blessed these pilgrims are!
Beholding His hallowed face
Aglow with love Divine;
Blest partakers of His grace,
As gems in His crown will shine.

44 Mao kana ang nakapadani. Ang Kaliwat sa Dios nga pinili nang daan nga walay laing mabuhat kondili ang pagsunod Niini, nga labaw pang makahuloganon kay sa kinabuhi kanato. Maayo pang kuhaon ang atong kinabuhi, kay sa kuhaon Kana. Unsay nakapadani? Ang Dios sama sa naandan, nagtuman sa Iyang Pulong. Iyang gituman ang Pulong ni Zacarias pag-usab, ang profeta nga si Zacarias.

Diin akong gibasa ang bersiculo 9 dili pa lang dugay, sa pagsulod ni Jesus sa Iyang templo, nga nagsakay . . . o sa pagsulod sa Jerusalem, nga nagkabayo sa gamayng maputi nga asno, ang profesiya nga giingon ni Zacarias natuman na, ania na kini, "Pagmaya, O mga anak nga babaye sa Sion. Pagsinggit, O mga anak nga babaye sa Jerusalem. Ania karon, ang imong Hari magaabot kanimo; Siya matarung, ug may kaluwasan, nga nagkabayo sa usa ka asno, ug bisan sa nating kabayo nga anak sa asno." Mao kadto ang nakapadani didto sa Jerusalem, ang punoan sa mga relihiyon.

45 Karon, atong nakita ang mga panghitabo sa katapusang adlaw! Atong ablihan ang pipila ka mga pahina, diha sa Zacarias, ug tan-awon kung unsay giingon bahin niini. Ablihan ta kini ug tapus sa katapusang mga adlaw. Mao kadto ang tunga sa panahon; atong tan-awon karon diha sa katapusang mga adlaw. Ug moadto sa Zacarias, capitulo 14, ug sugod sa bersiculo 4. Ug pamatia! Ug basahon ta karon ang bahin sa Kasulatan, sa siyam ka mga bersiculo, sukad sa 4 ngadto sa 9. Paminawag maayo. Kay nanagna kini sa Iyang Pagbalik, sa katapusang mga adlaw, busa paminaw pag-ayo karon. Kay kini MAO KINI GIINGON SA GINOO, kay Kini mao ang Kasulatan. Sa Zacarias 14, naghisgot sa Iyang Pagbalik.

Ug ang iyang mga tiil motindog niadtong adlaw sa bukid sa mga olivo, nga anaa sa atbang sa jerusalem, nayo sa sidlakan, ug ang bukid sa mga Olivo mapikas sa iyang taliwala ngadto sa kasadpaqn, ug mahimo unya ang daku kaayong walog; ug ang katunga sa bukid mobalhin ngadto sa amihanan, ug ang katunga ngadto sa habagatan.

Ug kamo mangalagiw paingon sa walog sa akong mga bukid; kay ang walog sa mga bukid moabot ngadto sa Azal; oo, kamo mangalagiw, ingon sa inyong pagpangalagiw tungod sa linog sa panahon ni Uzzias, mga hari sa Juda. . .

46 Ang lain pang linog nga maoy mosiak sa yuta! Kong buot ninyong sundon ang kasulatan dinhi, himatikdi dinhi sa bersiculo 5, nagkahulogon kini nga ang pagkasiak sa Bukid sa mga Olivo hinungdan sa usa ka linog, ug gipamatud-an kini sa Isaias 29:6 ug sa Pinadayag 16:9. Husto gayud! Unsa man kini? Mao ra nga profeta ang nagtug-an sa Iyang unang pag-anhi, ang nakita sa Iyang ikaduhang Pagbalik! Himatikdi, "Maingon sa mga adlaw sa linog." Tan-awa kung unsay sa mga linog, tan-awa ang mga panagna kanila?

... ug ang Ginoo moabot, ug ang tanang mga balaan uban Kanimo.

Ug mahitabo niadtong adlaw, (Halleluia) niadtong adlaw, nga walay suga, o magnitngit:

Apan kadto maoy usa ka adlaw . . . usa ka adlaw nga nahibaloan ni JEHOVA, dili adlaw, ug dili gabii; apan mahitabo, nga sa panahon sa kahaponan motungha ang kahayag. (O Dios!)

47 “Kini mahimong kahayag sa panahon sa kahaponan,” mao ra nga profeta. Ug ang katawhan mga buta! Unsay nakapadani? Atong basahon ang uban pang mga bersiculo:

ug mahitabo madtong adlaw, nga ang buhing katubigan mogula gikan sa jerusalem; ang katunga kanila maagay-ay paingon sa sidlakan nga dagat, ug ang katunga moagay-ay paingon sa kasadpan nga dagat: kini mapadayon sa ting-init ug sa ting-tugnaw (Ang Maayong Balita moabot tali sa Judio ug sa Gentil).

Ug si Jehova magahari sa tibook nga yuta: niadtong adlaw usa lamang si Jehova, ug usa na ang iyang ngalan.

It shall be Light about the evening time, (husto!)
 The way to Glory you will surely find;
 In the water way, is the Light today,
 Buried in the precious Name of Jesus.
 Young and old, repent of all your sins,
 The Holy Ghost will surely enter in;
 The evening Light has come,
 It is a fact that God and Christ are one.

Tan-awa kung hain na kita?

Nations are breaking, Israel's awakening,
 The signs that our prophets foretold; (that earthquake to the
 Gentiles to the last day)
 The Gentile days numbered, with horrors encumbered;
 Return, O dispersed, to your own.

Kamong mga gihinginlan, ug kining arka nga giguyod sa bag-ong mga karomata, pahilayo gikan niana tungod sa ang kamatayon mohampak kaninyo. Gipamatud-an Kini sa Dios. Mahitabo gayud kini.

48 Atong tan-awon ang lain pang Kasulatan sa Daang Tugon, sa Malaquias, capitulo 4, ug basahon kanang gamayng capitulo 4.

. . . kay ania karon, ang adlaw moabot na, nga magasunog daw hudno; ug ang tanang palabilabihon, oo . . . ang tanang nagabuhat sa kadautan mangahimong tuod sa balili . . .

Karon, dili kini . . . mao kana ang malaquias 3 ang unang pag-anhi karon ania ang sunod nga pag-anhi. Bisan gani si Doctor Scofield dinhi, dili gayud ako mouyon kaniya sa iyang mga timaan, apan iyang gihulagway dinhi ang pagsugo kang Juan, sa Malaquias 3; ug ang Ikaduhang Pagbalik ni Cristo, ug ni Elias sa dili pa moabot...

... ug ang tanang palabilabihon, nagaingon ang GINOO sa mga panon, nga kini dili magbilin kanila bisan gamut ni sanga. (Nan hain man ang "Walay Katapusang" infierno?).

Apan kaninyo nga may kahadlok sa akong ngalan, ang Adlaw sa pagkamatarung mosubang nga adunay kaluwasan sa iyang mga pako; ug kamo manggula, ug managlumpat sa kalipay maingon sa mga nating vaca sa toril.

Ug pagatamakan ninyo ang mga dautan; kay silamangahimong abo sa ilalum sa mga lapa-lapa sa inyong mga tiil, sa adlaw nga akong pagahimoon kini, nagaingon si JEHOVA sa mga panon.

Hinumdumi ninyo ang Kasugoan ni Moises ang akong alagad nga akong gisugo kaniya didto sa Horeb alang sa tibuok Israel. . . bisan ang kabalaoran ug ang mga tulomanon.

49 Mao kini ang pag-anhi ni Elias.

Ania karon, Akong ipadala si Elias ang manalagna...

Mao kini ang katapusang Kasulatan sa Daang Tugon:

. . . Akong ipadala kaninyo si Elias ang manalagna sa dili pa moabut ang

daku ug makalilisang nga adlaw ni JEHOVA:

Karon, dili kadto si Juan, Dili gayud. Yan-awa, kay ang kalibutan wala masunog ug wala tamaki ang mga dautan. Nakita mo? Dili, dili gayud.

. . . sa dili pa moabot ang daku ug makalilisang nga adlaw ni JEHOVA:

Ug iyang pabalikon ang kasingkasing sa mga amahan ngadto sa mga bata, ug ang kasingkasing sa mga bata ngadto sa ilang mga amahan, tingali unya ako maanhi ug samaran ko ang yuta pinaagi sa usa ka panghimaraut.

Himatikdi kung unsa ang pagkasibo sa Espiritu Santo , nga wala Kini maghatag ng kalibog sa ilang duha ka pag-anhi ni Elias. Sa Malaquias 3, giingon, "Ania karon, Akong ipadala ang Akong sinugo sa atubangan Ko." Si Jesus gipangutana bahin kang Juan, Siya miingon, "Kong makadawat kamo niini, mao kini ang giingon sa mga profeta, " Akong ipadala ang Akong sinugo sa atubangan Ko." Mao kini ang Elias nga moabot." Malaquias 3.

50 Himatikdi nga ang Kasulatan hingpit nga nagtugyan niini. Bantayin kung unsa kini. . . aron ipakita ang. . . sila nga motoo, sila nga buot motan-aw. Hinundumi nga si Jesus mihunong sa tunga-tunga sa Kasulatan, tungod kay ang uban niini nangatuman na man, ang nahabilin alang sa Iyang Ikaduhang pagbalik? Aron pagmantala sa tuig sa kahimuot sa Ginoo, aron pagbugkos sa mga masulob-on, ug mihunong, wala ang "paghukom sa mga Gentil" hangtud sa Ikaduha Niyang Pagbalik.

51 Himatikdi nga kining Kasulatan dinhi nagkadugtong. "Ug iyang, si Elias, pabalikon ang mga kasingkasing sa mga amahan ngadto sa mga anak." (Karon, naghigot kini sa Malaquias 4, ayaw kini pagsagola, o sa Malaquias3). Si Juan, nga si Elias, kinsa mianhi sa mga adlaw sa wala ang unang pag-anhi ni Cristo, sa pagpabalik sa mga kasingkasing sa mga karaang patriarca nga mga amahan ngadto sa mensahe sa mga anak, sa bag-ong mensahe.

Karon, bantayi! "Ug ang mga kasingkasing sa mga anak ngadto sa mga amahan." Sa iyang ikaduhang pag-anhi, sa katapusang mga adlaw, iyang pabalikon ngadto sa apostolicanhong Pagtoo na usab. Tan-awa kung unsa ang pagkahingpit sa pagkauyon sa mga Kasulatan?

Mao kadto ang katapusan sa Daang Tugon, ang Daang Tugon. Karon, atong nakita nga adunay Kahayag sa panahon sa kahaponon. Unsa man Kini? Mao kadto ang sa tumoy, sa Bukid sa Tumoy sa kahoy. Ha.

52 Sumala sa ako nang giingon kaganihang buntag, nagagikan kita sa mga denominasyon, nga (dili mga kahoyng buongon) sama sa akong giingon kaganihang buntag, kondili mga kahil ang ania kanato, kalamansi, tanan matang sa uban pang mga butang nga dili mao ang sa sinugdanan. Apan sa pagkatapus. . . Ayaw Kini pagpalabya! Miabot Kini! Human sa pagdula sa mga denominasyon, silay walay bisan unsang. Kahayag sa sinugdanan, miabot ang usa ka adlaw nga dili adlaw o gabii.

Unsay ilang gibuhay? Unsay ilang gibuhay? Unsa may mahimo sa u - usa ka kalamansi ngadto sa usa ka kahoyng buongon? Nagkinahanglan kini sa orihinal nga kinabuhi sa buongon nga motungha ug gituis kini ngadto sa usa ka lemon. Mao, kauna ang gibuhay sa mga denominasyon diha sa Pulong sa Dios, gihimo ang Pulong sa Dios nga walay kapuslanan tungod sa ilang mga kalagdaan. Mao kana ang MAO KINI ANG GIINGON SA ESPIRITU SA GINOO! Nagpabunga silag mga lemonsito, mga kahil, ug dili mga buongon.

53 Apan unsa may giingon sa profeta? Nga maoy nag-ingon sa atong teksto ning gabhiona, "Pagmaya, O mga anak nga babaye sa Jerusalem, singgit sa makusog, mga anak mga babaye sa Sion, kay ang inyong Hari nagaabot kaninyo, malumo ug mapaubsanon, nga nagkabayo sa nating asno," himatikdi kanang mao ra nga profeta ang nag-ingon, "Moabot ang panahon sa pagpangahinog." Ang adlaw gipadala dinhi sa kalibutan aron pagpahinog sa bunga. Nganong dili man kini mangahinog? Tungod kay walay bunga diha nga angayng mahinog. Apan ang Kinabuhi nagpadayon pa sa paglakaw.

54 Nagagikan kini sa usa ka kahil aron mahimong usa ka buongon, hingkaplagan kini nga gihimong kapunongan, usa kadto ka kahil. Miadto na usab kini, niadtong higayona migula kini nga usa ka lemon. Miadto na usab, nahimo kinig lain. Ug sa katapusan, sa tumoy sa kahoy, nahimo kining usa ka ukban, nga ang katunga buongon ug ang

katunga lemonsito; usa ka sinagol nga pagpaliwat, usa ka butang linimbong; nahisangko ngadto sa pagkatinuis, sa usa ra ka kahoy; ang putos, "kong mahimo pa hilimbongan ang Pinili." Sama ra sabuongon kun tan-awon, apan dili diay.

"Apan kini usa ka Kahayag," sa dihang mitubo siya lapaw pa sa denominasyon. Sa dihang migula siya sa nanglabayng mga kapunongan ug milambo pag-usab, namunga siyag mga buongon sama kaniya kaniadto sa dihang nahulog siya sa yuta. Ug nahimo kining Kahayag!

Unsa kining nakapadani, unsa kining nahitabo? Nagtuman kini sa Pulong sa Dios! Adunay duha ka mga saksi sa Daang Tugon, nga mahitabo kini.

55 Atong tan-awon ang Juan 14:12, sa Bag-ong Tugon, si Jesus miingon, "Ang motoo Kanako, ang mga buhat nga Akong ginabuhay iya usab pagabuhaton."

Usab diha sa Lucas 17:22-30, Siya miingon, Maingon sa mga adlaw ni Lot, sa wala pa sunoga ang Sodoma, mao man usab kini sa pagbalik sa Anak sa tawo, niadtong adlaw sa pagpadayag sa Anak sa tawo.

Oh, tan-awa lamang ang mga Kasulatan! "Ang Anak sa tawo," si Jesus Cristo mao sa gihapon kagahapon, ug hangtud sa kahangtaruan, miuswag gikan sa milabayng denominasyon, mitubo paingon sa tumoy sa kahoy. Unsay Iyang giingon diha sa Juan 14, o sa 15? "Ang matag sanga nga ania Kanako nga dili mamunga, kini pagaputlon ug pagapul-ongan, isalibay ngadto sa kalayo ug sunogon. Apan ang matag sanga mamunga, kini pagapul-ongan."

56 Oh, anaa unyay usa ka matuod nga nahauna ug ulahing ulan sa katapusang mga adlaw diha nianang gamayng panon nga magasunod Kaniya nga nagsakay sa asno, mapaubsanon ug malomo, dili maduhaduhaon o denominasyon, nga magasinggit, "Hosanna, sa Hari nga magaanhi sa Ngalan sa Ginoo!" Unsay nahitabo karon? Unsay nakapadani didto sa ibabaw sa bukid?

57 Dili pa lang dugay, samtang nagtindog ako dinhi sa pulpito, ginaingon kadto sa Espiritu Santo, "Moabot ang adlaw sa dihang mag-ugbok sila sa atubangan sa inyong balay, ilang balhinon ang inyong pultahan. Ang ingon imong palabyon ug dili masuko." Nakita ko ang akong pultahan nga guba na ug natumba didto sa kilid sa bungtod. Nakita ko ang bungtod sa akong atubangan nga gibugwal, ang mga tabla ug uban pa didto tanan diin dihay tawo midugmok niini. Siya miingon . . . Mitan-aw ako, ug ania karon dihay usa ka gamayng buangbuang ang ang mitungha didto ug maoy mipukan niadtong maong pultahan, gialsa kini. Giingin ko, "Nganong wala mo man ako sultih?" Maabtik pa siya kay kanako ug kinahanglan nga maigo ko siya. Ug sa nahitabo na kini, giingnan ko, "wala ko kini mabuhay sukad nga nagboksing pa ako, apan gusto ko lang masayud ka," ug gidagpas ko siya kausa. Ug sa natumba ko na siya, gipabangon ko siya pag-usab ug natumba ko siya pag-usab. Ug gibangon ko siya sulod sa tulo o upat ka higayon, ug dayon gipatiran ko siya paingon sa bungtod. Ug dayon miadto ako didto, ug miingon, "Dili kana maayo." Ug gibangon ko siya ug akong gilamano, ug giingnan, "wala ako masuko kanino, apan buot ko lang nga masayud ka nga dili ka makasulti kanakog sama niana." Ug sa mitalikud ako ug mipauli, ang Espiritu Santo nagtindog didto sa pultahan, ug miingon, "Karon, likay dinhi, kung iugsok na kanang maong kahoy, liso paingon sa kasadpan."

Kining maong Libro maoy gikinahanglan
Kong tanan,
Kining maong Libro maoy maayong
Resipe, (sa paagi sa pagtudlo aron malalikay
Ako sa kagubot)

Ug kadtong maong Libro mao ang Pulong, ug kadtong Pulong mao ang Dios. Palabya ang imong mga problema, kay Kini maoy motug-an kanimo kung unsay angayng pagabuhaton.

58 Tulo ka tuig ang milabay akong nadungog gikan sa akong higala, ang surbeyor sa ciudad. Nga nagpuyo sa ubos nga gikan nakako, nga naglubong ug usa ugsok. Madto ako didto ug miingon, "Unsa ,may nahitabo, Mud?" Higala siya sa anak ni Mr. King.

Miingon siya, "Billy, ilang palapdan kining dalana."

Nahinumdom pa ba kamong tanan. Giingnan ko, "Tingalig tulay kini." Giingnan ko si Igsoong Wood, giingnan ko, "Pugngi ang imong kabtangan. Tingalig kanang tulaya

makaabot hangtud dinhi, tingalig ingon niana." Ang aligianan nangabungkag, ang mga tisa, ang mga bato gipanglabay ang tanan. Busa miingon siya. . . giingnan ko, "Pugngi ang imong kabtangan."

Ug sa ako nang. . . Giingnan ako ni Mr. King nga mahitabo kana. Misulod ako ug gisultihan ang akong asawa nga naglingkud didto, "Pinangga, adunay usa ka butang nga nahisulat bahin niana. Kana mao ang MAO KINI ANG GIINGON SA GINOO, sa usa ka dapit."

59 Misulod ako ug gikuha ang akong libro, ug gipangita kini, ug giingon kini, "Ug mahitabo. . ." Human sa walo ka tuig!

Ug sa gitan-aw ko kini, miingon ako, "Panahon na kini karon, pinangga, kinahanglan nga mangadto ta sa kasadpan."

Duha ka adlaw human niadto, didto sa sulod sa lawak sa may alas dyes sa buntag, diha ako sa Wspiritu sa Dios, ug nakita ko kadtong usa ka gamayng panon sa salampati nga nagalupad, nga sama sa mga langgam ang pagtan-aw ko. Nahinumduman pa ba ninyo kini. Nakita ko ang pito ka mga Manolunda sa usa ka matang sa payramid, nga midali pagduol kanako, nga nagaingon, "Liso paingon sa kasadpan, lakaw ngadto sa Tucson, kap-atan ka milyas painon sa amihanang silangan. Ug manangtang kag mga amorsiko" (o usa ka bullheader, maoy ilang gingalan niini didto) "gikan sa imong sinina."

60 Si Igsoong Fred Sothmann, anaa diha naglingkud nga nagtan-aw nakako karon, didto usab niadtong butagga. Nahikalimot na akko bajin niini.

Giingnan ko, "Usa ka buto ang milanog sama sa usa ka linog nga halosmitay-og sa tanan nga didto sa nasud. Wala akoy nakita kung unsaon pagkabuhi niini sa tawo." Nahadlok ako. Nagtindog ako didto sa Phoenix, kamong tanan nga nagapaminaw ning gabhiona timan-i kini. Akong giwali ang wali nga, "Mga Senyores, Unsa Nang Taknaa kini? "Hain na ba ta karon?" Miadto sa Kasadpan. Daghan kaninyo dinhi ang nakakuha niana sa teyp, daghan kaninyo dinhi ang nakadungog niini ang giingon nga usa ka tuig o labaw pa sa dili pa kini mahitabo.

61 Miadto ako sa Kasadpan, nga wala masayud kung unsay mahitabo. Usa niana ka adlaw akog tawag gikan sa Ginoo. Gisultihan ko ang akong asawa, ug giingan ko, "Pinangga, tingalig nahuman na ang akong bulohaton." Wala ako masayud. Giingan ko, "Tingalig natapus na ang Dios kanako karon ug mopauli na ako sa Puloy-anan. Lakaw ug kuhaa si Billiy, da-a ang mga kabataan, ang Dios maoy magpahiluna kaninyo. Sa kapulihay. Padayon ug pagkinabuhi nga matinud-anon sa Dios. Tan-awa nga ang mga kabataan makaeskwela, atimana sila diha sa pagtambag sa Dios."

Siya mitubag, "Bill, wa - wala ka masayud kung tinuod ba kana."

Giingan ko, "Dili. Apan ang tawo dili mabuhi niana."

Ug usa niana ka buntag gipukaw ako sa Ginoo, nga nagkanayon, "Yumongas ka ngadto sa Sabino Canyon." Ug mikuha ako ug gamayng papel ug ang akong Biblia. Miingon ang akong asawa, "Hain ka paingon?"

Giingnan ko nga, "Wala ako masayud. Sultihan ko ra ikaw kung mobalik ako."

62 Mitungas ako ngadto sa canyon, mitungas sa ibabaw diin ang mga agila didto nagalupadlupad. Mitan-aw sa mga osa nga atua didto. Miluhod ako aron pag-ampo, ug gibayaw ang akong mga kamot, ug usa ka Espada ang midapat sa akong kamot. Milingi ako, nga nagtoo, "Unsa man kana? Wala ako malimot sa akong kaugalingon. Mao kini ang Espada nga diha sa akong kamot, hayag, masinaw, nagapangidlap sa adlaw." Giingnan ko, "Karon, walay tawo diha sa akong duol dihni sa canyon. Diin man kana magagikan?"

Nadungog ko ang usa ka Tingog, nga nagaingon, "Mao kana ang Espada sa Hari."

Giingnan ko, "Usa ka magkakabayo sa hari nga may espada."

Siya, ang Tingog mibalik, nga nagaingon, "Dili espada sa usa ka hari, kondili "ANG Espada sa Hari," ang Pulong sa Ginoo. "Miingon, Ayaw kahadlok, kay kini mao ang Ikatulong Paghunat. Amoa kini ang pagpalig-on sa aimong bulohaton."

63 Nangayam ako kauban sa akong higala, sa walay pagkasayud kung unsay mahitabo. Ug dihay mitawag kanako, ang usa sa misaway kanako bahin nianang hulagway sa Manolunda sa Ginoo, ang usa sa mikuha niini. Kinahanglan nga moadto ako

sa Houston bahin sa iyang anak, tungod kay dad-on na siya sa laray sa patyonon ug patyon na pipila na lang ka adlaw. Ug iya akong gisugat didto ug migakus kanako, nga nagaingon, "Hunahunaa ang maong tawo nga akong gitamay mianhi aron pagluwas sa akong bugtong anak! Ang tawhonong kapunongan mihatag kanako nianang ilang giingon nga oscar, o bisag unsay inyong ginganlan niini, aron pagluwas sa kinabuhi.

64 Ug unya mibalik ako, ug miadto ako sa bukid ug nangayam. Ug didto si Igsoong Fred ug ako, usa niana ka buntag samtang naglakaw ako, gidala ko na ang akong javalina, ug mitan-aw ako ug nakita ang dapit diin siya miadto. Giingnan ko, "Igsoong Fred, lakaw didto nianang bukira karon, sa sayong kabuntagon, ug moadto ako sa usa. Dili mopusil ug baboy, dili ko siya patyon. Apan kong anha sila moagi niining dalana, ang panon, atubangon ko sila pagpusil ug gukoron sila pagpabalik."

65 Miadto didto si Igsoong Fred ug walay mga baboy. Iya akong giwarawarahan ug nakita ko. Milugsong ako sa canyon, sa mga dagkung bung-aw, mao pay pagsubang sa adlaw. Miabot ako didto sa pikas kilid sa bukid, sa walay paghunahuna bahin sa profesiya. Milingkud ako, nga naghulat, mipahulay, ug namalandong, "Unsa kahay nahitabo niadtong mga baboy?"

Ug akong gikuha ang akong. . . Milingkud ako sama sa nilingkuran sa mga Indian, nasayud kamo, sinaylo ang mga bitiis, ug gitan-aw ang akong bitiis sa akong trahe didtoy mga amorsiko. Ako kining gipanangtang, ug miingon, "Talagsaon kana! Ania ako, mga kap-atan ka milyas sa amihanang silangan sa Tucson, didto atua ang akong gamayng bata nga si Joseph naghulat kanako." Ug sa misugod ako pagtan-aw, nakita ko ang usa ka panon sa mga baboy ang mitungha mga usa ka libo ka milyas ang gilay-on gikan kanako, didto sa ibabaw sa bukid, akong gilabay ang mga amorsiko. Miingon ako, "Duolon ko sila. Moadto ako ug kuhaon si Igsoong Fred, ug magbitay akog usa ka papel aron pahibaw-on siya kung hain moagi niining ocotilyo dinhi, ug kuhaon si Igsoong Fred."

Ug misugod ako sa pagtungas sa bukid, midalagan kutob sa akong mahimo didto sa pikas. Sa kalit, nagtoo ako nga may mipusil kanako. Wala pa gayud ako makadungog ug buto nga sama niadto, mitay-og kadto sa tibuok nasud. Ug, sa nahitabo na kini, diha sa akong atubangan nagtindog ang pito ka mga Manolunda diha sa usa ka panon.

66 Akong gikakita si Igsoong Fred ug ang uban pa wala magdugay. Nangutana, kung "Unsa kadto?"

Giingnan ko, "Mao na kadto."

"Unsa may imong buhaton?"

Mopauli. Tungod kay, MAO KINI ANG GIINGON SA GINOO, ang pito ka mga tinago nga gililong diha sa Biblia sa tanan ning mga katuigan, kining mga denominasyon ug uban pa, ablihan sa Dios kining pito ka mga tinago alang kanato diha sa Pito ka mga Timri."

Dihay usa ka malignin nga mibutho gikan sa yuta, nga nagporma sa usa ka gabon. Ug sa nahimo na kini, misaka kini paingon sa bukid, ug misugod pagkalingin paingon sa kasadpan gikan sa dapit diin kini gikan. Nakita kini sa siyensiya wala madugay, katloan ka milyas ang gihabogon ng kawhaag-lima ka milyas ang gilapdon, tukma gayud sa kalingin sa payramid.

67 Ug sa pagkasunod sa adlaw, samtang nagtindog ako didto, akong giliso ang hulagway paingon sa too, ng didto atua si Jesus sama nga anaa. Siya sa Pito ka mga Kapnahonan sa iglesia, nga nagsul-ob sa maputi nga piloka, nagpakita sa Pagkahalangdong Dios. Siya mao ang Alfa ug ang Omega. Siya mao ang Sinugdan ug ang Katapusan, Siya mao ang Kinahatas-ang. Maghuhukom hangtud da kahangturan, nagtindog didto, nga nagpamatuod sa Mensahe niining taknaa. Ug maanaay Kahayag sa panahon sa kahaponon! Unsa man kining? Una man Kini?

68 Miadto ako paingon sa kasadpan. Sa ibabaw sa mao ra nga bukid, kauban ni Banks Wood, giingnan ko, "Isalibay ang bato. Giingnan ko si Mr. Wood, MAO KINI GIINGON SA GINOO, makita mo ang Himaya sa Dios."

Sa pagkasunod adlaw, nagtindog ako didto, usa ka alimpulos ang mihuros ug mipabuto sa mga kabukiran. Ang mga bato miputol sa yumoy sa kakahoyan, mga tulo ka tiil sa ibabaw sa akong ulo. Naghimo kinig tulo ka mga dagkung, ug ang mga kaigsoonan nanalagan nga miduol. Didtoy mga napulog-lima ka tawo ang nagtindog

didto, mga magwawali ug uban pa. "Unsa man kadto?" Siya miingon, "Unsa man kadto?"

Giingnan ko, "Ang paghukom midangat sa kasadpang kabaybayonan."

69 Hapit magduha ka adlaw tapus niadto, hapit mounlod ang Alaska sa limog. Unsa man kining Kahayag didto sa ibabaw sa Bukid nga Salopanan sa adlaw didto sa Kalasangan sa Coronado sa Arizona? Unsa man kining talagsaong butang nga nahitabo didto niadto nga ang katawhan nanagpangalagiw a silangan gikan sa kasadpan nga nagapamunit sa mga bato nga didto niadto diin didto Kini miigo, ug ang matag usa kanila, ang matag bato, adunay tutulo ka kanto niini, nga gisiak Niini. (ang tulo Usa ra.) Anaa sila diha sa ibabaw sa lamesa, nadungog sa balita sa tibuok nasud. Unsa kining talagsaong butang didto sa ibabaw sa Bukid sa Salopanan sa adlaw didto sa Lasang sa Coronado?

70 Si Junior Jackson nagpaminaw niini, inyo bang nahinumduman ang iyang damgo nga akong gihubad, "paingon ngadto sa pagasalopan sa adlaw?" Ug nahitabo kini didto a Bukid sa "Pagsalopan sa adlaw!" mao kini ang panahon sa kahaponan, panahon sa pagsalop saadlaw. Ang Mensahe sa panahon sa kahaponan hangtud sa pagkatapus sa kasaysayan, sa pagsalop sa profesiya, diay, nga nangatuman na. Ug usa kini ka kahayag sa kahaponan didto sa Bukid sa Pagsalopan sa adlaw didto sa Lasang sa Coronado, kap-atan ka milyas amihanan sa Tucson. Pagkuha ug mapa ug tan-awa kong didto ba Mosalop ang Adlaw. Mao kanay tinuod diin kini mahitabo. Wala gayud akomasayud niini hangtud sa miaging adlaw.

71 Ang tanang butang, nga - nga dili mamatay, kanunay dili mabalhin sa kaugalingon. Gikan sa maong butang nga nahitabo, ngadto sa hulagway diin si Jesus nagtindog nga nagtan-aw kanato, ug karon tukma nga anaa sa ibabaw sa Bukid sa Pagsalopan sa adlaw, ug sa Kahayag sa pagsalop. Ang Kahayag sa kahaponan ania na, ang Dios nagpamatuod sa Iyang kaugalingon. Unsa man kini? Kini maoy kamatuoran, nga ang Dios ug si Cristo usa ra. Ang "maputi." Pila man ang nakakita niini, sa maputi nga piloka sa Iyang ulo, samtang atong gihisgotan diha sa Pinadayag 1? Tan-awa, ang Halangdong Dios, ang Kinatas-ang Kagahum! Walay laing tingog, walay laing dios, walay laing unsa man. "Diha Kaniya nagapuyo sa pagpakalawas ang bug-os nga kinatibuk-an sa Dios." Ang mga Manolunda mismo maoy Iyang piloka. Amen.

72 Unsay nahitabo sa ibabaw sa Bukid sa Pagsalop sa adlaw? Ang Dios nanghimatuod sa Iyang Pulong. Mao kanay kahulogan niining tanang kasaba. Himatikdi, nga ang Dios kining nagtuman na usab sa Iyang gisaad nga Pulong, sa Pinadayag 10:1-7, "Ug sa mga adlaw sa pagtingog sa Mensahe sa ikapitong manolunda, ang tinago sa Dios pagatapuson na." Ang gililong nga tinago diha sa Pinadayag 10:1-7, ang katapusang mensahe alang sa panahon sa iglesia. Tukma gayud nga natuman, dinhi niining panahona, San Lucas 17:30, "Sa adlaw nga ang Anak sa tawo igapadayag na."

Ug managpanungha ang mga mini nga mga profeta ug mini nga mga Cristo, nga magpakitag dagkung mga ilhanan ug mga katingalahan, nga kung mahimo pa hilimbongan ang pinili." Ang katawhan nagpabiling nagduhaduha. Ug sumala sa naandan, ang iglesia magakalibog.

73 Ug ang siyensiya tanan sa tibuok Tucson, nanagpanulat sila ug gibalita. Balik kanhi sa Bukid sa Lemmon, silang mga dagkung mga camera wala makakita niining mga misaka sa itaas diin didto kami nagatindog, napadpad kini paingon sa kasadpan, nagpakita nga ang panahon natapus na. Dili na kini makapadayon kondili ang usa na lang ka gamayng bahin didto, anaa kini sa kasadpang kabaybayonan. Ang paghukom mihapak sumala sa paagi nga kini nahiabot. Madto kini padulong sa Phoenix ug milatas, ngadto sa Prescott ug latas sa Alaska, ug latas sa mga kabukiran paingon sakasadpang kabaybayonan, paingon ngadto sa ibabaw. . Hain man sila paingon? Didto sa Alaska, ug mipadalhog siya, nga nagpadulong nianang dalana.

74 Ug ang mga maniniid ug silang tanan diha sa Tucson nanagpangutana pa gihapon, ang pagpangsukitsukit sa mga siyensiya sa paningkamot nga hisabtan kung unsa kini. Hataas ra kaayo nga dili kini usa ka gabon, tun-og, o walay makasaka didto. Unsay gibuhay niini? Hain na man kini? Makapalibog sila tungod nianang labaw sa kinaiyahan nga malingin nga nagbitay didto sa unahan sa kawanangan sama sa ginabuhay niadtong mga Mago miadto nga nagsunod sa usa ka Bitoon, nga nagaingon, "Hain man Siya nga natawo ang Hari sa mga Judio?" ang Dios nagtuman sa Iyang Pulong, "Ug adunay

mosubang nga Bitoon gikan kang Jacob.”

75 Ug ang Dios sa langit nagsaad sa panahon sa kahaponon nga makabaton ug mga Kahayag sa kahaponon. Tulo ka tuig ang milabay nga kining tinago ng usa ka profesiya, “Unsa nang taknaa karon sir?” Apan karon nahimo na kini nga kasaysayan. Milabay na kini. Ang saad natuman na. Unsa nang taknaa kini, sir, ug unsa man kining nakapadani? Ang Dios nagatuman sa Iyang Pulong! Siay mao sa gihapon kagahapon, karon ug hangtud sa kahangturan.

Mag-ampo ta:

76 Minahal namo nga Dios, akong gipugngan kining katawhan ug dugay kaayo, nga labi pang dugay kay sa akong gitinguha. Nag-ampo ako, Dios, nga kung aduna may butang gihisgotan o nabuhat nga mahimong makapasabot sa mga katawhan didto sa gawas. Ug pinaagi sa makita ug sa masabot tingalig motoo sila nga Ikaw ang tinuod nga Cristo, ug ang Pulong nga gipamatud-an mao ang nagpamatuod sa Iyang Pulong nga hingpit ug natuman sa Iyang panahon.

Karon, Ginoong Jesus, gikan sa Kugalingon Mong mga Pulong, nag-ingon Ka nga ang kalibutang mahisama sa kahimtang sa Sodoma. Nahibalo kami nga, amo na kining nakita. Ug nag-ingon Ka, niadtong adlaw, “Sama kanhi sa Sodoma.” Dihay tulo ka mga mensahero ang gipadala ngadto sa Gentil ug sa Hebreo nga kalibutan. Ug ang usa kanila, nga mao ang Dios mismo, ang Anak sa Tawo, angpadayag sa Iyang kaugalingon diha sa dagway sa tawo ug nagbuhat ug milagro, ug mitug-an kang Abraham kung unsay gibuhath bi Sara didto sa Iyang likud sa tolda.

Nag-ingon Ka nga mahitabo kini pag-usab kung ang tibuok kalibutan sa Gentil mahisama na sa Sodoma ang kahimtang. Ug ania na kami dinhi, Ginoong. Ang ubang mga profesiya nagpamatuod sa mao rang butang, sa pagpadala kang Elias ning katapusang adlaw, ang Espiritu ni Elias dinhi sa kalibutan, aron pagpabalik sa kasingkasing sa mga amahan, o “ang mga kabataan balik sa mga amahan.” Ug nangamuyo ako, Dios, nga niining taknaa nga Imong pamatud-an ang Imong Pulong, nga Ikaw mao sa gihapon kagahapon, karon, ug hangtud sa kahangturan. Itugot kini, Amahan. Sila mga Imo man. Nangamuyo ako nga Imong itugot ang mga panalangin ug pamatud-an kung unsay giingon, alang sa Himaya sa Dios. Sa Ngalan ni Jesu-Cristo. Amen.

77 Ang pagsulti sa pulong, iya sa tawo, ang paglig-on sa pulong, iya sa Dios. Ang pagsultig usa ka butang, maoy usa ka butang; ang pagbuhat sa Dios niini, maoy laing butang. Ang Dios wala na magkinahanglan ug maghuhubad, Siya maoy Mismo Niyang maghuhubad.

Karon, nangandam na ta alang sa kutayng alampoanan, aron sa pagpangampo sa masakiton, kung itugot sa Dios. Ug nasayud ta nga walay usa, walay tawo, walay babaye, walay tawong linalang, walay manolunda, nga makaayo kaninyo, tungod kay gibuhath na kini sa Dios. Iyang gibuhath ang lukat, ang bugtong butang nga inyong pagabuhaton mao ang pagdawat niini.

78 Walay tawo, walay manolunda, walay bisan unsa, bisan gani Mismo ang Dios, nga mopsaylo sa inyong mga sala. Humana kini. Gibuhath nakini ni Jesus didto sa Krus. Apan dili kini makapalambo kaninyog bisan unsang butang, o magpulos kaninyo, hangtud nga dawaton ninyo kini. Nakita mo?

Ang bugtong butang nga mahimong buhaton, mao ang pagpangayo nianang unsa nay gihatag sa Dios, alang sa mga magtotoo sa pagpandong sa mga kamot sa mga masakiton. Sulod na sa daghang kapanahonan ilang gibuhath kana, sa mga rebaybal. Ug ila kining gitawag, nga “Dios.”

79 Si Abraham nakakita sa daghang mga ilhanan. Apan miabot ang panahon sa nakita ni Abraham ang iyang katapusang ilhanan, sa wala pa ang Sodoma sunoga, ug mao kadto nga nagpadayag sa Iyang kaugalingon sa dagway sa usa ka tawo. Motoo ba kamo niana? Wala ba mag-ingon si Jesus nga mahitabo kini pag-usab.

80 Karon, pila man ang ania dinhi. . . Ug didto sa gawas sa radyo, o ang sa gawas sa mga telepono sa tibuok nasud, kong nagapaminaw pa kamo, pangandam na karon alang sa pag-ampo, pagmainampoon, ug kaninyo nga anaay mga panyo dinhi. Karon, dili ko kasultihan ang Dios kung unsay pagabuhaton. Dili. Ipahilayo kini kanako bisan gani sa pasulay niini. Halangdon Siya kaayo, Iyang mabuhath kung unsay Iyang gusto. Igo lang ako mosugot ug mosulti kung unsay Iyang gisulti.

81 Ug, karon, nanagtindog sila sa daplin sa bongbong, ug puno kaayo ug naghuot, ambot lang kong makapangutanan ba ta sa Dios niining mga pulonga, "Unsay nakapadani?" kong ang Dios magalihok na usab sa atong taliwala (Tingalig aniyay mga dumoluong dinhi), ug molihok dinhi kanato ug magpakita sa Iyang bulahang dagway dinhi kanato, nga magpakita sa Iyang Espiritu dinhi, magpakita nga Siya mao sa gihapon kagahapon, karon, ug hangtud sa kahangturan, aron ang matag usa kanato (human niining duha ka magahi nga mga mensahe) motoo nga mahitabo kini. Mabuhat ba ninyo kini? Segi.

82 Inay nga palinyahon ang magpaampo, mainit, naghuot, nagsandig sa mga bongbong. . .Akong nakita kining paagiha sa pagtawag sa akong alampoanan, dili ka makaako niini sa pagtan-aw nga nagatindog didto. Mahimo bang ingon niining paagiha? Ang inyong masakiton, ang mga higdaanan, ug uban pa, ang nagahigda, dili kamo makahimo niini. Busa pagpabilin kung hain ka, ug toohi ang Dios. Kong anaa kay kard alang sa pagpaampo, kupti ra kini, kay maayo kini. Moduol ra kami kaninyo kong moduol kamo sa linya. Apan dili kinahanglan nga molinya ka pa.

83 Mao kana si Mr. Shepherd, sa miaging Domingo sa gabii, wala na molinya pa. Wa—wala ako magtoo nga anaa siyay kard. Ania ba karon si Mr. Shepherd? Hain man siya dinhi? Anaa sa likud. Anaa ka bay kard alang sa pagpaampo, Mr. Shepherd? Wala? Walay iya. Anaa na usab siya diha naglingkud ning gabhiona. Maayo kanang dapita, Igsoong Shepherd.

84 Dili lamang moduol ra kamo didto magbaton sa pagtoo. Tungod kay, hinumdumi, ang usa ka babaye nga mihikap sa Iyang bisti ug Iya kining gibati. Ug Siya mao sa gihapon kagahapon, karon, ug hangtud sa kahangturan. Ug ang sulat sa Hebreohanon, diha sa Bag-ong Tugon, nagaingon nga Siya maoy usa ka "Labawng Sacerdote" niining takna sa kagabhion nga "mobati sa tanan tang mga kaluyahon." Motoo ba kamo niana? Nan motoo ka! Ayaw pagduhaduha niini. Toohi kini, ug mahitabo kini. Makadawat kamo sa unsay in—inyongh gipangayo, kon motoo ka lamang niini. Apan kinahanglan nga motoo ka niini. Mabuhat mo ba kini? Ang tanan ba kaninyo motoo niini? Pila man ang motoo Niini karon? Ang Dios magapanalangin kaninyo!

Wala ako makaila kung kinsa kamo, walay nailhan ko kaninyo. Dili akong bulohaton ang pag-ila sa matag-usa kaninyo. Bulohaton kini sa Dios ang pag-ila niining mga butanga. Apan buhaton Niya kini kon motoo ka niini. Toohan mo ba Kini karon?

85 Karon, minahal nga Dios, sa pagkatinuod dili kami usa ka panon sa mga Cristohanong pinaliwatan, dili kami ingon sa uban nga kinahanglang pagagalmon ug pagabatabataon. Wala Ka magbaton ug sama nianang matanga, Ginoo. Kusgan ang Imong mga magtotoo. Ang Presensiya sa Dios maoy nagdilaab sa kasingkasing sa tawo. Sama kang Abraham, siya mitoo sa Dios. Imong gipaila ang Imong kaugalingon ngadto kaniya, ug mitungha Ka kaniya ug nagbuhat ug usa ka ilhanan, ug mitoo Kanimo. Imong gipabalik ang iyang lawas pagkabatan-ong lalake, ug usab ang iyang asawa, nga mao, nga ang iyang asawa kabahin sa iyang kaugalingong lawas. Ug unya migula ang usa ka bag-ong bata, ang anak sa gisaad.

86 Dios, Imong gisaad nga mahisama kining kahimtanga niining adlaw. Nangamuyo ako nga Imong pamatud-an kining Pulong. Ug among tagdon kanang usa ka saad diha, nga mahisama kini kanhi sa Sodoma, sa wala pa sunoga ang Sodoma ug mohapak ang paghukom sa Sodoma, nga mao ang Gentil nga kalibutan. Sa ingon niana ang paghukom andam na alang sa Paganong kalibutan, ug ang mga Judio anaay tulo kapin ka tuig ug tunga hangtud sa panahon sa Kasakitan, ang kagubot ni Jacob, ang pagpadayon sa kapitoan ka semana ni Daniel. Apan ang mga Gentil gitagalan, panahon na sa paglakaw. Ug Imong gihatag ang ilhanan, ug miingon Ka nga mobalik kini pag-usab. Itugot kini, Dios. Ang ilang. . . anaa kami sa Imong mga kamot, buhata kanamo samtang makita Mo nga angayan, sa Ngalan ni Jesu-Cristo. Amen.

87 Karon, ayawg kalisang. Unsa may mahitabo niini kung malisang ako? Karon, nagbuhat ako ug usa ka butang nga nagasalig lamang sa kahanglangdon sa Dios. Apan nganong gibuhat ko man kini? Siya miingon nga mahitabo kini. Nahimutang na kini. Ug kon gihimo, nan dili ba kamo motoo Kaniya? Tinuod kaayo. Kinahanglan nga aduna kay pagtoo karon ug mosalig. Ug tugoti ako sa pagtan-aw, ug tan-awon kung hain magmandu ang Espiritu Santo, kung unsay Iyang mabuhat. Wala ako masayud kung unsay Iyang pagabuhaton, anaa ra Kaniya. Apan kung may pagtoo ka lang, mosalig

lamang, "Ang tanang butang masayon kanila nga may pagtoo." Kamong tanan nga nagtoo niana, ipataas ang inyong mga kamot ug moingon, "Motoo ako niini." [Ang congregasyon miingon, "Mitoo ako niini"—Ed.] Uban sa bug-os kong kasingkasing ako nagtoo Niini.

88 Karon, tulo ang mahimong tigpamatuod, kong nuhaton Niya kini sulod sa tulo ka higayon aron pagpamatuod aron pagpamatuod kaninyo nga husto Kini. Dili ko igsapayan kung hain ka, kung kinsa ka, motoo ka lamang ug mosalig. Karon, a—ayaw pagsamoksamok.

Babaye, nga nag-ampo, wala ako makaila kanimo. Pagpabilin sa imong lingkuranan kung hain ka karon, dili na kinahanglan nga moduol ka. Wala ako makaila kanimo, apan naggunit ka ug usa ka gamayng batang babaye, o, diha sa imong sabakan. Hingpit ako nga dumoluong kanimo. Ug walay gibati kung tan-awon, maayo siya kung tan-awon. Matahum siya nga pagkabata, mapulapula ang buhok sa bata. Siya maoy akong gitan-aw, ingon sa dili siya bakul kung tan-awon o naunsa man. Wala ako masayud kung unsay nahitabo kaniya. Mahimong dili nianang bataa, tingalig ikaw kana. Apan nahitabo lang nga nakita ko ikaw nga naglingkud diha kauban nianang bataa, ug nagaampo. Moduol ako kanimo karong taudtaod aron sutaon ang imong espiritu, sama sa giingon ni Jesus ngadto sa usa ka babaye, "Paimna ra Ko," nakita mo? Aron lang paghu—paghulagway sa usa ka tawo. Si Igsoong Bryant ug uban pa ania dinhi naglingkud, nakaila ning mga tawhana nga naglingkud dinhi. Tingalig nanginahanglan usab, apan ikaw usa gayud ka dumoluong.

Motoo ka ba kanakonga profeta sa Dios? Motoo ka ba ning butanga nga imong nadungog niining gabhiona nga mao ang Kamatuoran? Karon, kong ipadayag sa Dios kanako ang mgabutang nga imong ginabuhay, o mga butang nga dili mo unta buhaton, o usa ka butang nga nahitabo kanimo, o unsay gitinguha mo, masayud ka kung kini tinuod o dili. Dili ba? Ug kong buhaton man Niya kana, nagpamatuod ba kini sa Iyang Pulong nga Siya mao sa gihapon kagahapon, karon, ug hangtud sa kahangturan, ug sa San Lucas 17:30 ang gipadayag? Motoo ka ba niini?

89 Karon, babaye ipataas ang imong kamot, wala ta magkaila. Wala ako makaila kanimo, apan akong gipanid-an ang iyang espiritu, usa ka tawo. Daghan kaayo ang nagbinirahay. Karon, motoo ba kamo Niini uban sa bug-os ninyong kasingkasing. Karon, alang kini sa gamayng batang babaye. Dili kun ikaw. Malisangon ka, apan dili ang pagkamalisangon ang nakasamok kanimo. Ang nagpasulabi sa imong kasingkasing mao kanang gamayng batang babaye. Ug motoo ka ba nga ang Dios motug-an kanako kung unsa kini? Motoo ka ba niini? Makatabang ba kini kanimo, kung motoo ka? Usa kini ka kadaot sa utok. Mao ba? Karon, ipatong ang imong kamot diha sa ulo sa bata, ang imong kamot.

90 Minahal nga Dios, nag-ingon Ka, nga "Kining mga ilhanan maganunot kanila nga nagatoo. Ilang pandungan sa ilang mga kamot ang masakiton, ug mangaayo sila." Kining babaye usa ka magtotoo. Ang iyang kamot anaa gipatong sa bata. Hinaut unta nga maayo kini. Sa Ngalan ni Jesus-Cristo, akong gitanyag kini nga pag-ampo. Amen.

Karon, motoo ka ba, kamong tanan? Kong motoo ka lamang, ang tanang butang masayon. Tinuod gayud!

nakaila ako sa babaye nga naglingkud sunod kaniya, apan matinud-anon siyang nagtan-aw nga ingon niini. Dili ko masangpit ang iyang ngalan, apan, akong. . . kong tutokan ko siya kadiyut hiilhan ko siya. Apan nakaila ako sa babaye pinaagi sa pagtan-aw, apan wlaa ako masayud sa iyang sakit. Motoo ka ba nga akong. . . nga ipahibalo sa Dios kanako kung unsay imong sakit? Motoo ka ba. . . Makatabang ba kini kanimo? Dayabites. Karon, kong mao man kana, ipataas ang imong kamot. Tinuod gayud!

Unsay nahitabo sa babaye nga naghigda. . . kanang naglingkud sunod nimo anaay mao rang kahimtang. Dumoluong siya. Ang laing babaye nag-ampo alang sa lain, usa ka batang bakul. Motoo ka ba uban sa tibuk mong kasingkasing, nga pasidunggan kini sa Dios.

91 Anaay tawo didto sa luyo niini. Usa ka lalake ang naglingkud naningkamot sa pagbiya sa pagpanigarilyo. Motoo ka ba nga kuhaon sila sa Dios kanimo? Sige. Motoo ka ba? Nan madawat mo kini. Wala ko makita kining tawhana sa akong kinabuhi.

Ania karon ang tawo. Nakita ba ninyo kanang maitum nga landong nga nagbitay sa

ibabaw niining tawhana nga ania dinhi nga naghigda sa daw katre, o lingkuranan? Himalatyon na siya? Gilandongan na siya, anaay iyang cancer. Wala ako makaila sa maong tawo, wala ko gayud siya igkita. Ang Dios nasayud sa tanan bahin kanimo. Mao kanay kamatuoran, sir. Motoo ka ba nga itug-an sa Dios ang bahin kanimo? Makatabang ba kini kanimo aron makadawat sa imong kaayohan? Gidala ka dinhi pinaagi sa usa ka higala. Apan dili ka taga dinhi, taga-laing dapit ka diin anaay dakung katilingban sa tubig, nga gipangisdaan sa mga tawo. Oo, sa Albany, Kentucky. Mao kana. Toohi, ug makauli nga maayo na. Toohi nga husto kini. Kong motoo ka! Kinahanglan nga motoo ka niini, ug toohi nga gibuhat na kini alang kanimo. Motoo ka ba?

92 Ikaw, nga taga Tennessee, anaa kay batang lalake nga hubakon. Wala dinhi, apan motoo ka ba nga maayo siya? Nan dad-a ang imong panyo nga anaa sa im -imong kamot ngadto kaniya. Mamaayo siya kong tooban mo lang kini.

Kanang babaye nga naghilak, nga naglingkud sa atbang ni Doctor Vayle. Siya usab gilandongan, usa ka maitum nga landong. Wala ko sukad makita ang maong babaye sukad, apan anaay iyang kanser. Mamatay siya kong ang usa ka butang dili mabuhat alang kaniya. Motoo ka ba nga ayohon ka Niya, babaye? Motoo ka ba? Nan madawat mo ang imong kaayohan, kong motoo ka lamang.

Anaay usa ka gamayng babaye nga naglingkud sa iyang luyo nga may panyo diha sa iyang baba. Anaay iyang ulcer usab sa iyang tiyan, masakit. Nakaagi ka na ug paglamat, pagkabuta, pagkahulog, anaay nagdala kanino dinhi. Anaa kay sakit sa babaye. Kong motoo ka, makauli ka na ug mamaayo.

93 Ikaw, nga batan-ong lalake, dumoluong ka, ang naglingkud dinhi sa akong atubangan, ang nagtan-aw kanako. Unsa ka man, Puerto Rican o ingon niana? Oo, ang buot kong ipasabot. . .? . . . Dumoluong ako kanimo, nahibalo ka niana, dili ka gani taga dinhi sa among nasud. Apan motoo ka ba nga ang Dios mohatag kanino sa gitinguha sa imong kasingkasing? Kong tug-anan ko ikaw sa gitinguha sa imong kasingkasing, dawaton mo ba kini? Nagkinahanglan ka sa bautismo sa Espiritu Santo. Tinuod kana. Dawata ang Espiritu Santo, igsoon ko.

Aniay tawong maitum nga naglingkud dinhi, ang anaay kabug-at dinhi. Anaay iyang tiil. Motoo ka ba nga Iyang ayohon siya? Motoo ka? Dili ka taga dinhi. Taga laing baybayon ka. Taga Jamaica ka. Motoo ka ba nga itug-an sa Dios kanako ang imong ngalan? Si Mr. Braden. Motoo ka ba? Si Jrsus Cristo mao sa gihapon kagahapon, karon, ug hangtud sa kahangturqan.

94 KINING BABAYE NGA NAGLINGKUD DIHA SA TUMOY, SA SUNOD NI Mrs. Wright, anaay kabug-at sa iyang kasingkasing. Nag-ampo siya alang sa usa ka batang dalaga. Operahanan siya. Motoo ka ba sa hug-os mong kasingkasing, alang kaniya? Wala na kini niya kinahanglana kong mapatoo mo lang siya Niini. Dili ako makaayo.

Didto sa likud sa narseri, nakita ko ang Espiritu sa Ginoo, o ang Manolunda, usa ka Kahayag ang nagalihok didto sa narseri. Anaa kini sa ibabaw sa batan-ong babaye, ug anaa siyay espirituhanong kaguol nga iyang gihunahuna. Maayo siguro nga hiilhan ko ang maong babaye, unya. Usa ka batan-ong babaye, anaa usab siyay suliran sa pagkababaye. Oo. Ang iyang ngalan mao si Mrs. West, nga taga Alabama, si Mrs. David West. Toohi, ug ang Dios magpasidungog kanimo niini.

95 "Kini usa ka Kahayag, ug niadtong adlawa kung ipadayag na ang Anak sa tawo." Kong kana dili man si Jesus Cristo nga mao sa gihapon kagihapon, karon, ug hangtud sa kahangturan, wala akoy hingsayran Niini. Motoo ka ba Niana? Ang tanang butang masayon kanila nga nagatoo.

Didto sa gawas nga mga micropono latas sa nasud karon, ug dinhi niining Tabernaculo, pila man kaninyo ang mopataas sa inyong mga kamot ug moingon, "Usa ako ka magtotoo?" Karon, kamong anaa sa gawas sa nasud, ipataas ang inyong mga kamot, sa walay pagduhaduha. Karon, ipiyong ang inyong mga mata, ipatong ang inyong kamot kaniya nga duol kanimo. Kupti ang ilang kamot. Ipatong kini sa ilang abaga. Akong gipandong ang akong mga kamot sa mga panyo. Tan-awa kung unsay nahitabo karon! Tan-awa kung unsay nahitabo karon.

Beholding His hallowed face

Aglow with love Divine;

*Blest partakers of His grace,
As gems in His crown to shine.
Karon, pag-ampo. Mag-ampo kita, bisan asa.*

96 Minahal nga Dios, miabot na ang takna. Unsay gipasabot niini? Ang Dios nagtuman sa Iyang Pulong! Unsa may nakapadani, Ginoo? Mao kana ang Dios nga nagtuman sa Iyang Pulong. Unsa man kining anaa sa gawas sa nasud, pinaagi sa kahimanan sa telepono, kanang gatusan ka mga katawhan ang nagpandong sa ilang mga kamot ngadto sa lain sa latas sa kanasuran, gikan sa usang baybayon ngadto sa lain, gikan sa Amihanan ngadto sa Habagatan, sa Silangan ngadto sa Kasadpan? Ania dinhi naglingkud nga katawhan gikan sa langyawng kanasuran, sa daghang mga kanasuran, sa Mexico, Canada, ug among gipandong ang among mga kamot ngadto sa lain. Ang Dios nagtuman sa Iyang Pulong!

Unsa man kini nga ang usa ka tawo mibarug dinhi pinaagi sa Espiritu Santo ug tawgon ang usa ka tawo sama sa Iyang gibuhat kang Simon Pedro, nga nagaingon, "Ang imong ngalan mao si Simon, ikaw mao ang anak ni Jonas?"

"Lakaw kuhaa ang imong bana ug balik dinhi."

"Wala akoy bana."

"Tinuod kay aduna kay lima."

Siya mitubag, "Nahibalo ako nga ang Mesiyas moabot aron pagbuhat niini, apan Kinsa ka man?"

Siya mitubag, "Ako mao Siya."

97 Ug Ikaw mao sa gihapon kagahapon, karon, ug hangtud sa kahangturan. Ug Imong gisaad, "Ang mga buhat nga Akong gibuhat mabuhat usab ninyo. Ug labaw pa gani niini ang mabuhat ninyo, tungod kay moadto Ako sa Amahan. Ug ania, sa katapusang mga adlaw Akong ipadala kaniyo si Elias, ang profeta, ug iyang pabalikon ang mga hunahuna sa mga tawo, ug pabalikon ang mga kasingkasing sa mga anak ngadto sa apostolikanhong Pagtulon-an sa Biblia. Ug kini mahimong Kahayag sa panahon sa kahaponon."

Karon ania na kami, gamhanang Dios sa langit! Ang takna ania na! Ang mga kamot anaa na sa ibabaw katawhan.

Satanas, napildi ka na. Bakakon ka. Ug, ingon nga alagad sa Dios, ug ingon nga mga ulipon, among gimandoan sa Ngalan ni Jesus Cristo, nga mosunod ka sa Pulong sa Dios ug mogawas gikan sa mga katawhan, tungod kay nahisulat kini, "Sa Akong ngalan ilang hinginlan ang mga yawa."

Ug ang tanang katawhan mapahigawas. Itugot kini, minahal nga Dios. Ikaw mao ang Dios sa langit nga nagpildi, niadtong adlaw uban sa makapadani didto sa Bukid sa Calbaryo, ang tanang mga sakit ug balatian ug ang tanang mga buhat sa yawa. Ikaw mao ang Dios! Ug ang mga katawhan nangaayo pinaagi sa Imong mga labod. Silang tanan gawasnon. Sa Ngalan ni Jesus Cristo. Amen.

98 Dios, ang matag panyo nga ania dinhi, samtang ang Espiritu sa Dios ania dinhi, samtang ang dihog ni Jesus Cristo anaa pa sa katawhan, ug ang dagkung mga ilhanan nga Iyang gisaad nangatuman na, ug ang kalibutan mikurog, ug ang mga linog nagakahitabo, ang dagkung mga ilhanan nga Iyang giingon, ug ang Kasulatan nangatuman na, ug ang Kahayag sa kahaponon midan-ag na. Akong gihapa ang akong lawas sa ibabaw niining mga panyo nga naglarawan sa tibuok lawas sa mga magtotoo nga gikan sa Silangan, Kasadpan, Amihanan, ug Habagatan, ug moingon ngadto sa yawa, "Sa Ngalan ni Jesus Cristo, biyai ang matag masakiton nga gipandongan," alang sa kadunggan ug kahimayaan sa Pulong sa Dios. Sa Ngalan sa Pulong sa Dios, Jesus Cristo nga taga Nazaret. Amen.

99 Karon, maghilum ta, magligdong, magmaugdang, ug ang inyong hustong panghunahuna, ingon nga mga magtotoo, motoo na ba kamo karon ug modawat sa inyong kaayohan nga gikan sa Dios nga Gamhanan, sa Ngalan ni Jesus Cristo? Kon mao, ipataas ang inyong mga kamot. Ang tanan nga anaa sa gawas sa nasud, ipataas ang inyong mga kamot ang diha sa gawas. Ang matag ania dinhi, kutib sa akong makita, mipataas sa ilang mga kamot; dinhi sa sulod, sa gawas, diha sa bintana, diha sa mga

pultahan, diha sa mga narseri, ug sa tanan bisan diin, ang katawhan nagpataas sa ilang mga kamot. Ilang gidawat Kini. Si Satanas napildi na! Ang mga labod ni Jesus Cristo maoy nag-ayo kaninyo, ug ang presensiya ni Jesus Cristo maoy nagsusi sa mga kamatuoran nga Siya buhi karon, makahilo sa pagtuman sa matag saad nga Iyang gihimo. Amen! Ako nagatoo kaniya. Kamo ba usab?

100 Karon, manindog tang tanan. Sa Ngalan sa Ginoong Jesus, nga nagadawat sa tanang butang nga nabuhat ug giingon, nahigugma ta kaniya sa bug-os natong kasingkasing. Atong gimahal Siya sa tanan nga ania kanato. Ug karon samtang manguli ta sa atong tagsatagsa ka puloy-anan sukad ning gabhiona, ang Dios magauban kaninyo. Ang Dios magahatag kaninyo sa Espiritu Santo kong wala pa kamoy Espiritu Santo.

101 Ang matag lalake, kun babaye, batabg lalake o babaye, nga ania dinhi, nga wala pa hibautismuhan ni Jesus Cristo, anaay mga bisti, ug linaw. Ayawg hulata ang ugma kung unsay mabuhat karon. Ang ugma tingalig ulahi na. "Igo na ang karon, tungod kay ang adlaw puno sa kadaotan." Aniyay mga ministro nga nagtindog nga naghulat, ang mga bisti naghulat. Wala nay ikapangulipas pa. Naghulat ba kamo? Kon mao man, ug nagtoo kamo. . . Bisang kung giunsa pa kamo pagbautismo, giwisikwisikan, gibuboan, bisang kung unsa man kini, sayup kadto. Ang Kahayag nahiabot na. Duol, toohi, ug pagpabautismo.

Ang matag usa nga walay Espiritu Santo, hinaut nga makadawat kamo sa Espiritu Santo, ang matag usa kaninyo, diha sa kinatibuk-ang Langitnong gahum ug gugma nga Iyang gisaad kaninyo, aron paghimo kaninyo nga usa ka bag-ong binuhat diha Kaniya. Ang Dios magapanalangin kaninyo.

102 Ug karon, hangtud sa sunod nga Dominggo sa butag sa alas-nuybe emidya, atong awiton kining gamayng awit nga kanunay natong giawit sa milabayng mga katuigan:

Don't forget the family prayer,
Jesus wants to meet you there;
He will take your every care,
Don't forget the family prayer.
Atong awiton pagdungan karon:
Don't forget the family prayer,
Jesus wants to meet you there;
He will take your every care,
Oh, don't forget the family prayer.

Karon, samtang awiton ta kini pag-usab, pakiglamano sa mga dumoluong nga anaa sa sunod nimo(Nakita mo?), samtang awiton ta kini:

Don't forget the family prayer,
Oh, Jesus wants to meet you there;
He will take your every care,
Oh, don't forget the family prayer.

103 Nahigugma ba kamo Kaniya? Mahal ko Siya. Mahal ko Siya tungod sa gugma Niya Kaluwasan ko gibayran (mao kadto ang nakapadani) didto sa Bukid sa Calbaryo.

Mao ra nga nakapadani ang didto sa ibabaw sa Bukid sa Pagsalopan sa adlaw, sa Bukid sa Nebo, sa Bukid sa Sinai, sa tanang nagkalainlaing kasinatian sa ibabaw sa bukid, pito. Sige, awiton ta karon:

Mahal ko Siya, mahal ko Siya
Tungod sa gugma Niya
Kaluwasan ko gibayran
Sa Calbaryo

Ang tanan nga nahiguggma Kaniya, moingon "Amen." Karon , pamalandunga kung unsay Iyang gibuhat kanino. Pamalandonga, nga mahimong atua ka didto sa gawas sa usa ka imnanan ning gabhiona. Tingalig atua ka na sa lubnganan sama nga didto ako, sa gawas sa kalooy sa Dios. Unsay Iyang gibuhat kanino? Oh, unsaon ta man ang pagpabilin sa paghigugma kaniya? Ayaw hatagig pagtagad kung unsay isulti sa uban, Siya maoy umaha!

104 Atong ipiyong ang atong mga mata ug iduko ang atong nga ulo samtang awiton ta kini ngadto kaniya karon. Ganahan Siya sa mga kanta, sa mga alawiton. Atong awiton

kini karon ngadto Kaniya:

Mahal ko Siya, mahal ko Siya
Tungod sa gugma Niya
Kaluwasan ko gibayran
Sa Calbaryo

Uban sa pagduko sa atong mga ulo ug sa atong kasingkasing diha sa Iyang Presensiya, nga mapasalamaton kung unsay nakita sa atong mga mata, kung unsay nadungog sa atong mga dalunggan, kung unsay nahisulat sa pulong sa Dios, kung unsay Iyang gisaad kanato karon. Ang Dios magapanalangin kaninyo.

105 Aniyay atong u - usa ka bisita uban kanato ning gabhiona, usa ka igsoon, si Ned Iverson, kaniadto usa ka ministro sa Presbyterian. Ang iyang amahan, ang mga igsoon mga ministro sa Presbyterian. Siya, sumala sa akong hingsabtan, magpabautismo karon pag-usab sa Ngalan ni Jesus Cristo. Usa siya ka ministro, ug usa kana ka maayo. Ug karon hangyoon ko siya, ingon nga nagtoo ako kaniya nga alagad sa Dios, sa pagpangayo sa mga panalagin sa Dios dinhi niining congregasyon samtang manguli kamo sa inyong puloy-anan.

Igsoong Iverson, duol ngari, samtong atong iduko ang atong mga ulo diha sa pag-ampo. Ang Dios magapanalangin kanimo, igsoon ko. . .



www.messagehub.info

Mga Wali Ni

William Marrion Branham

"... sa mga adlaw sa tingog ..." Pin. 10:7